



文獻通考卷之二

鄱陽馬端臨貴與著

葉文莊公家世藏

經籍考

史偽史霸史

華陽國志十二卷 一百二十卷

晁氏曰晉常璩撰華陽梁州地也記漢以來巴蜀人物呂微仲跋云漢至晉初四百載間士女可書四百人亦可謂盛矣復自晉至周顯德僅七百載而史所紀者無幾人忠義骨與塵埃同沒何可勝數豈不重可歎哉

陳氏曰志巴蜀地理風俗人物及公孫述劉焉劉璋先後主以及李特等事跡末卷為序志云肇自開闢終乎永和三年

九州春秋九卷

陳氏曰晉司馬彪紹統撰記漢末州部之亂司馬徐充青荆揚涼

益幽凡盜賊僭叛皆紀之

淝上英雄小錄二卷

陳氏曰信都鎬撰所錄揚行察將吏有勲名者四十人其二十四人皆淝人餘諸道人又有僧道漁樵之屬十人錄其小事故名小錄

江淮異人錄二卷

陳氏曰吳淑撰所記道流俠客術士之類凡二十五人

南唐烈祖開基誌十卷

陳氏曰南唐滁州刺史王顏撰起天祐乙丑正昇元癸卯合三十九年

南唐烈祖實錄十三卷

陳氏曰南唐史館修撰高遠撰闕第八第十二卷遠又嘗為吳錄二十卷而徐鉉鄭文寶皆云開寶中遠始緝昇元以來事書未成

而疾焚其草故事多遺落

江南錄十卷

晁氏曰皇朝徐鉉等撰鉉等自江南歸朝奉詔集李氏時事王介甫嘗謂鉉書至亡國之際不言其君之過但以曆數存亡論之於春秋箕子之義為得也雖然潘佑以直見殺而鉉書佑死以妖妄殆與佑爭名且取其善不及佑故匿其忠污之以罪耳若然豈唯厚誣忠臣其欺吾君不亦甚乎世多以介甫之言為然獨劉道原得佑子華所上其父事跡略與江南錄所書同乃知鉉等非欺誣也

陳氏曰徐鉉湯悅撰二人皆唐舊臣故太宗命之撰湯悅即殷崇義避宣祖諱并姓改為焉

南唐近事二卷

晁氏曰皇朝鄭文寶編記李氏三主四十年間雜事

陳氏曰起天福已酉終開寶乙亥然泛記雜事實小說傳記之流耳

江南別錄四卷

晁氏曰皇朝陳彭年撰偽吳偽唐四主傳也

江表志三卷

晁氏曰鄭文寶撰序言徐鉉湯悅所錄事多遺落無年可編然前錄因為略而尤以年月記事今此書亦止雜記如事實之類耳近事稱太平興國二年丁丑今稱古成者太中祥符三年

江南野史二十卷

晁氏曰皇朝龍克撰凡八十四傳

江南館載二卷

陳氏曰不著姓名序言徐鉉始奉詔為江南錄其後王舉路振陳彭年楊億皆有書大槩六家皆不足以史稱而龍克為尤甚熙寧

八年得鄭君所述於楚州其事迹有六家所遺或小有異者刪落是正取百九十五段以類相從鄭君者莫知何人

南唐書三十卷

陳氏曰陽羨馬令撰序言其祖太博元康世家金陵多知南唐故事未及撰次今纂先志而成之實崇寧乙酉其書略備記傳体亦言徐湯之踈略云

新修南唐書十五卷

陳氏曰寶謨閣待制山陰陸游務觀撰采獲諸書頗有史法

蜀桂堂編事二十卷

晁氏曰偽蜀楊九齡撰雜記孟氏廣政中舉試事載詩賦策題及知舉登科人姓氏且云科舉起於隋開皇前陋者謂唐太宗時非也

外史構杌十卷

晁氏曰皇朝張唐英次公撰稱王建孟知祥父子四世八十年比之公孫述董最爲久遠其間善惡有可爲世戒者路振之書未脩治平成此書以補其遺凡五代史及皇朝日曆所書皆略之溫公修通鑑搜羅小說殆遠未嘗取此書蓋多差舛如光大至二年之類是也

陳氏曰唐英自號黃松子商英之兄也

前蜀記事二卷

陳氏曰僞蜀學士毛文錫平珪撰起唐明庚子盡天福甲子凡二十五年文錫唐太僕卿龜範之子十四登進士第八蜀仕建至判樞密院隨銜入洛而卒

後蜀記事十卷

陳氏曰直史館太常博士董淳撰惟記孟昶事

六越俗史九卷

陳氏曰吳越掌書記范垞巡官林禹撰按中興世昌其初十二卷盡開寶三年後又增三卷至雍熙四年公書止石晉開運比初闕

三卷

吳越俗史遺事五卷

陳氏曰全州觀察使錢儼撰俶之弟也其序云俗史亦其所作托名林范而遺名墜迹殊聞異見闕漏未盡者復爲是編時皇宋平南海之二年吳興西齋序蓋開寶五年也儼以二年代其兄偁刺湖州

閩中實錄十卷

陳氏曰周顯德中揚州永貞縣令蔣文揮記閩王審知父子及將吏儒士僧道事迹未亦略及山川土物

閩王列傳一卷

陳氏曰秘書監晉江陳致雍撰二世七主通六十年

閩王事迹一卷

陳氏曰不知何人作末稱光啓二年至天聖元年一百三十八年所記頗詳

三楚新錄三卷

陳氏曰知桂州脩仁縣周羽冲撰上卷爲湖南馬殷中卷爲武陵周行逢下卷爲荆南高季興

湖南故事十卷

陳氏曰不知作者記馬氏至周行逢事館閣書目作十三卷蓋爲列傳十三篇其實十卷也文辭鄙甚

五國故事二卷

陳氏曰不知作者記吳蜀閩漢諸國事

九國志五十一卷

晁氏曰皇朝路振子發撰雜記吳越唐前後蜀東漢南漢閩楚凡

十國

陳氏曰各爲世家列傳凡四十九卷末二卷爲北楚言高季興事張唐英所補撰

十國紀年四十二卷

晁氏曰皇朝劉恕道原撰温公序云渙之子也博學強記同修通鑑史事之紛錯難治者以諉恕宋次道知亳州家多書恕往借觀之目爲之矜性剛介初與王安石善及改新法言其非遂與之絕卒年四十九所謂十國者一王蜀二孟蜀三吳四唐五吳越六閩七楚八南漢九荆南十北漢温公又題其後云世稱路氏九國志在五代之史中最佳此書又過之以予考之長於考異同而拙於屬文其書國朝事皆曰宋而無所隱諱意者各以其國爲主耳

天下大定錄一卷

陳氏曰殿中丞通判桂州王舉撰景祐間人始高季興終劉繼元

其所記踈略獨江南稍詳本十卷今但爲一卷恐非全書也
虜廷雜記十卷

晁氏曰契丹降人趙志忠撰記虜廷雜事始於阿保謹迄耶律宗
真李清臣云志忠仕虜爲中書舍人得罪來歸上此書及契丹地
圖言虜中甚詳

陰山雜錄十六卷

契丹錄一卷

陳氏曰不著名氏莆田鄭氏書目云趙志忠撰歐公歸田錄云志
忠本華人自幼陷虜爲人明敏在虜中舉進士至顯宮歸國能述
虜中君臣世次山川風物甚詳今觀此書可以槩見矣其首一卷
名契丹錄

契丹疆宇圖一卷

陳氏曰不著名氏錄契丹諸夷地及中國所失地

遼四京記

陳氏曰亦無名氏曰東京中京上京燕京

燕北雜錄五卷西征寨地圖附

陳氏曰思卿武珪記嘉祐六年宮苑使知雄州趙某進于朝珪亦
自契丹逃歸事見國史傳

匈奴須知一冊

晁氏曰契丹歸明人田緯編次錄契丹地理官制

辨鳩錄一卷

陳氏曰不著名氏契丹譯語也凡八篇

虜庭須知一卷

陳氏曰左藏庫副使知安肅軍陳昉撰熙寧元年集賢校理胡穆
爲之序凡二十一條目

載斗奉使錄二卷

晁氏曰皇朝正曙撰景德三年爲契丹主生辰使祥符二年爲弔

慰使所錄也

生辰國信語錄一卷

晁氏曰皇朝冠域與康德與天聖六年使契丹賀其主生辰往返語錄并景德二年至天聖八年使副姓名及雜議于後

張浮休使遼錄二卷

晁氏曰皇朝元祐甲戌春張舜民被命為回謝大遼弔祭使鄭介為副錄其往返地里及話言也舜民字芝叟自號浮休居士

北遼遺事二卷

晁氏曰不題撰人蓋遼人也記女真滅遼事序云遼國自阿保機創業於其初德光恢廓於其後吞滅諸蕃割據漠界南北開疆五千里東西四千里戎器之備戰馬之多前古未有子孫繼統二百三十餘年迨至天祚失御女真稱兵十二年間舉國土崩古人謂得之難而失之易非虛言耳

陳氏曰燕山史愿撰一名金人七遼錄

金虜節要一卷一作三卷

晁氏曰陷虜人所上也記金人初內侮止紹興十年共十六年事頗詳實

陳氏曰右從事郎宛人張匯東鄉撰宣和中隨父官保州陷虜十五年

至紹興十年歸朝

金虜志二卷 又一卷
陳氏曰承奉郎張棣撰淳熙中歸明人記虜中事頗詳又一卷不著名氏似節略張棣書其末又雜錄虜界事宜及逆亮以後事

松漠記聞二卷

陳氏曰徽猷閣直學士番易洪皓光弼撰皓奉使留虜中錄所聞雜事

征蒙記一卷

陳氏曰金人明威將軍登州刺史李大諒撰建炎鉅寇之子隨其父成降虜者也

偽楚錄二卷

偽齊錄二卷

陳氏曰並不著名氏

金人南遷錄一卷

陳氏曰稱偽著作郎張師顏撰初見此書疑非北人語其間有曉然傳會者或曰華岳所為也近扣之汴人張總翼則云歲月皆抵牾不合益證其妄

西夏須知一卷

晁氏曰皇朝劉溫潤守延州日編錄偽境雜事

陳氏曰凡十五條目

蕃爾雅一卷

晁氏曰不載著人姓名以夏人語依爾雅體譯以華言

夏國樞要二卷

晁氏曰皇朝孫巽纂記夏虜兵屯會要土地肥磽井泉湧澗穀粟窖藏酋豪姓氏名位司存與夫咸池之完缺風俗之所向編為兩帙上之朝

西域志十二卷

晁氏曰唐僧玄奘撰西遊天竺求佛書既歸記其所歷諸國風俗其自序云自黑領以西皆土著尚東左徂務田畜重財賄嫁娶無礼獨天竺則異別記於後云或云玄奘譯大總持寺僧辨機撰鷄林志三十卷

晁氏曰皇朝崇寧中王雲編次崇寧中劉達吳拭使高麗雲為書記官既歸攬輯其會見之礼聘問之辭類分為八門

陳氏曰自元豐創通高麗以後事實皆詳載之

海外使程廣記三卷

陳氏曰南唐如京使章僚撰使高麗所記海道及其國山川事跡物產甚詳史虛白為作序稱己未十月蓋本朝開國前一歲也

高麗圖經四十卷

陳氏曰奉議郎徐競明叔撰宣和六年路允迪傳墨卿使高麗兢為之屬歸上此書圖其形事為之說今所刊不復有圖矣兢鉉之後

南詔錄三卷

陳氏曰唐嶺南節度巡官徐雲虔撰乾符中邕中遣雲虔使南詔所作上卷記山川風俗後二卷紀行及使事

雲南行記二卷

晁氏曰唐韋齊休撰齊休長慶三年從韋審規使雲南記其往來道里及其見聞序謂雲南所以能為唐患者以閒道越嶲耳若自黎州之南清溪關外盡斥棄之疆場可以無虞不然憂未艾也及

唐之亡禍果由此本朝棄邛州不守而遂無邊患以此論之則齊休之言可不謂善哉

雲南志十卷

晁氏曰唐樊綽撰咸通中南詔數寇邊綽為安南宣慰使纂入詔始末名號種族風俗物產山川險易疆境接聯聞于朝

至道雲南錄三卷

晁氏曰皇朝辛怡顯撰蜀賊李順既平餘黨竄入雲南雷有終募怡顯招出之至道初歸因書其所歷成此書

陳氏曰怡顯入雲南招李順餘黨因賜蠻酋告勅而遂為此錄天禧四年自序稱左侍禁知興化軍或云此書妄也余在莆田視壁記無怡顯名字恐或然

皇祐平蠻記一卷

晁氏曰皇朝馮炳撰記儂志高叛朝廷遣狄青平之

南蠻錄十卷

晁氏曰未詳撰人熙寧間交趾叛朝廷議討之或纂歷代南蠻事迹及便宜上之

諸蕃志三卷

陳氏曰福建提舉市舶趙汝适記諸蕃國及物貨所出

右偽史類

劉氏史通二十卷

晁氏曰唐劉知幾撰知幾長安神龍間三為史官頗不得志乃以前代書史序其体法因習廢置掇其得失述作曲直分內外篇著為評議備載史策之要當時徐堅深重之云居史職者宜置坐右玄宗朝詔其家錄進上讀而善之宋子京稱唐舊史之文猥醜不綱謂知幾工訶古人而拙於用已觀此書知子京之論不誣前世史部中有史抄類而集部中有文史類今世抄節之學不行而論

說者為多故自文史類內摘出論史者為史評附史部而廢史抄云

陳氏曰其著書亦博矣史通者漢封司馬遷後為史通子亦兼白

虎通之義也

史通析微十卷

晁氏曰唐柳璨昭之撰璨以劉子玄史通妄誣聖哲評湯之德為偽迹論桀之惡為厚誣謗周公云不臣褒武庚以徇節其甚至於彈劾仲尼因討論其舛謬共成五十篇蕭統云論則析理精微故以為名乾寧四年書成唐史云璨公綽族孫少孤貧好學著史通析微時或稱之起布衣至於相不四歲按唐紀相璨在天祐改元則書成猶未仕也

史例三卷

陳氏曰唐右補闕劉餗鼎卿撰知幾次子也

歷代史贊論五十四卷

晁氏曰未詳撰人纂史記迄五代史臣贊論

歷代史辨志五卷

晁氏曰未詳撰人亦有可觀者凡百許篇序謂人之志有甚微者不可不辨故以名書

通鑑釋文二十卷

陳氏曰司課司馬康公休撰溫公之子

通鑑釋文三十卷

陳氏曰左宣義郎眉山史炤見可撰馮時行為之序今考之公休之書大略同而加詳焉蓋因其舊而附益之也

通鑑前例一卷修書帖一卷二十六條四圖共一卷

陳氏曰司馬光記集修書凡例諸帖則與書局官屬劉恕范祖徃來書簡也其曾孫侍郎汲季思哀於一篇又以前例分爲二

六條而考其離合稽其授受推其甲子括其卷帙分爲四圖

通鑑問疑一卷

陳氏曰高安劉義仲壯真纂集其父道原與溫公徃後相繼者亦附修書帖後

讀史管見三十卷

陳氏曰禮部侍郎建安胡寅明仲以通鑑事備而義少故爲此書議論宏偉嚴正間有感於時事其於熙豐以後接于紹興權姦之禍尤拳拳寓意焉晦庵綱目亦多取之

朱子語錄胡致堂議論英發人物偉然讀史管見乃嶺表所作當時並無一冊文字隨行只是記憶所以其間有抵牾處南軒言管見專爲秦檜設豈有言天下之事而專於一人者先生曰儘有好處但好惡不相掩耳又曰致堂管見方是議論唐鑑議論弱又不相應處前面說一項事末又說別處去

通鑑論篤三卷

陳氏曰侍講廣漢張拭欽夫撰取通鑑中言論之精確者表而出之多或全篇少至一二語去取其嚴可以見前輩讀書眼力之高南北籌邊十八卷

臨江曾三英無愧撰周平園序略曰南渡初士大夫日夜防守江淮計時右正言呂祉帥金陵與其屬吳若陳克著東南防守利便三卷上之事既詳實文亦條暢其後有尚書郎臨川吳曾著南北征伐編年二十三卷起三國終五代凡古今形勢師旅勝負該貫無遺仍集當時君臣議論為分門事類一十二卷其相謀相應攻守通好可指諸掌視祉之書益加詳焉今臨江曾若三英復為南北邊籌十八篇南之攻北其事有九諸葛亮紀瞻褚裒元溫劉裕宋文帝陳顯達沈慶之吳明徹是也北之圖南其事亦九曹操魏明帝羊祜符堅拓跋太武孝文元英邢巒北齊是也人為一論論

指一事皆援昔以證今因迹以求心即成而究其考古可謂勤而用志可謂切矣

史記音義二十卷

陳氏曰唐崇賢館學士劉伯莊撰貞觀初奉敕講史採鄒誕生徐廣及隋柳願言音義而為此書

史記索隱三十卷

晁氏曰唐司馬貞撰據徐裴注糾正抵牾援據宏緻如東坡辨宰我未嘗從田常為亂蓋本諸貞也

陳氏曰採摭異聞釋文演注末二卷為述贊為三皇本紀世號小司馬史記

附索隱史記一百三十卷

陳氏曰淳熙中廣漢張材介仲刊于桐川郡齋削去褚少孫所續而附以司馬貞索隱其後江陰耿秉直之復取所削者別刊之

史記正義二十卷

陳氏曰唐諸王侍讀張守節撰開元二十四年作序

崇文總目為漢書學者此最精博

陳伯宣注史記八十七卷

崇文總目唐陳伯宣撰因裴駙說有所未悉頗增損焉然多取司馬氏索隱以為已說今篇殘缺

遷史刪改古書異辭十二卷

陳氏曰倪思撰以遷史多易經語更簡嚴為平異體當然也然易辭而失其義書事而與經易者多不可以無考故為是編經之外與他書異者亦并載焉

班馬異同三十五卷

陳氏曰倪思撰以班史仍史記之舊而多刪改大抵務趣簡嚴然或刪而遺其事實或改而失其本意因其異則可以知其筆力之

優劣而又知作史述史之法矣

新校史記一百三十卷

新校前漢書一百卷

新校後漢書九十卷

三史刊誤四十五卷

崇文總目皇朝張觀等校定初秘書丞余靖上言國子監所收史記漢書誤請行校正詔翰林學士張觀知制誥李淑宋祁與靖洎直講王洙於崇文院讎對靖等悉取三館諸本及先儒注解訓傳六經小說字林說文之類數百家之書以相參校凡所是正增損數千言尤為精備逾年而上之靖等又自錄其讎校之說別為刊誤四十五卷

漢書問答五卷

崇文總目唐沈遵行撰采諸儒為漢書說者申釋其義有博聞之益然篇第頗差討求未獲闕劉傳以下諸篇

三劉漢書標注六卷 一作一卷

晁氏曰皇朝劉敞原文第放貢父子奉世仲馮撰劉跂嘗跋其書尾云余爲學官亳州故中書劉舍人實爲守從容出所讀漢書示余曰欲作補注未能也然卷中題識已多公之子方山亞夫錄以相示也

陳氏曰又本題公非先生刊誤其實一書公非貢父自號漢書自顏監之後舉世宗之未有能異其說者至劉氏兄弟始爲此書多所辨正發明

呂氏前漢論三十卷

晁氏曰皇朝呂大忠晉伯撰予得其本於銅梁令呂肇修撰汲陵諸孫也

西漢發揮十卷

晁氏曰皇朝劉涇巨濟撰涇蜀人

西漢決疑五卷

陳氏曰國子司業苑丘王述致君撰一曰失實二曰引古三曰異言四曰雜證五曰注釋

西漢史抄十七卷

兩漢博議十四卷

中興藝文志陳傅良撰指摘精要裨正闕誤如制度始末因革則條其大意遺其煩碎而一代之興衰治体人才紀綱風俗亦略矣博議陳季雅所撰闕涉尤大

東漢刊誤一卷

晁氏曰劉敞貢父撰敞序英宗讀後漢書見墾田字皆作懇字命國子監刊正敞爲直講校正其謬誤不可勝算然此書世無善本率以己意定之治平三年奏御敞號有史學温公修通鑑以兩漢書付之

兩漢博聞十二卷

晁氏曰皇朝楊侃纂景德中侃讀兩漢書取其名數前儒解釋爲

此書以資涉獵者侃嘗編職林此亦其類也

兩漢列誤補遺十七卷

陳氏曰國子博士吳仁傑斗南撰補三劉之遺也

三國人物論三卷

晁氏曰皇朝楊祐南撰蜀人

晉書指掌十二卷

晁氏曰皇朝劉謩編以晉書事實以類分為六十五門

唐書直筆新例四卷

晁氏曰皇朝呂夏卿撰夏卿強記絕人預修新史此其在書局時

所建明歐宋間有取焉如增入高祖字叔德之類是也

陳氏曰紀傳志各一卷末一卷摘舊史繁闕又為新例須知附于

後略舉名數如目錄之類記新書比舊增減志傳及總類

唐書音訓四卷

晁氏曰皇朝寧章撰新書多奇字觀者必資訓釋章問學精博發揮良多而其書時有改革者不知何人附益之也

唐書音義三十卷

晁氏曰未詳撰人比實氏書六略同而稍簡乃析為三十卷

唐書辨證二十卷 一名糾謬

晁氏曰皇朝吳縝撰縝字廷珍成都人仕至郡守數新書初修之

時其生有八類其辨誤二十門凡四百餘事縝不能屬文多誤有

詆訶如新書張九齡傳云武惠妃陷太子瑛遣官奴告之曰廢必

有興公為援宰相可常處九齡奏之故卒九齡相而太子無患縝

以為時九齡已相而太子竟以廢死以為新書似實而虛按史之

文謂終九齡在相位日太子得不廢也豈謂卒以九齡為相太子

終無患乎初名糾謬其後改云辨證實一書也

王氏揮塵錄曰嘉祐中詔宋景文歐陽文忠諸公重修唐書時有

蜀人吳縝者初登第因范景仁而請于文忠願預官屬之末上書文忠言甚懇切文忠以其年少輕佻非之縝鞅鞅而去逮夫新書之成迺從其間指摘瑕疵爲糾謬一書至元祐中縝遊宦蹉跎老爲郡守與五代史纂誤俱刊行之紹興中福唐吳仲實元美爲湖州教授復刻于郡庠且作後序以謂鍼膏盲起廢疾杜預實爲左氏之忠臣然不知縝著書之本意也

陳氏曰其父師孟顯於熙豐此書紹聖初上之

注唐記十卷

晁氏曰題曰樊先生而不詳其名近代人所著新書紀也

唐書列傳辯證二十卷

陳氏曰端明殿學士玉山汪應辰聖錫撰專攻列傳不及紀志以元祐名賢謂列傳記事毀於鐫削暗於藻繪故隨事辯證之

新唐書略三十五卷

陳氏曰呂祖謙授徒患新史難閱摘要抹出而門人抄之蓋節本之有倫理者也

唐史要論十卷

一作論斷二卷

晁氏曰皇朝孫甫之翰撰歐陽永叔司馬溫公蘇子瞻稱其書曰議論精覈以爲舊史所不及終於天章閣待制

朱子語錄司馬溫公書孫公唐史後云孫公之翰昔著此書甚自重惜嘗別緘其藁於笥必歸手然後啓之謂家人曰萬一有水火兵甲之急他貨財盡棄之此笥不可失也公私少間則增損改易未嘗去手其在江東爲轉運使出行部亦以自隨過亭休止輒取修之會宣州有急變乘駟遽往不暇挈以俱既行之後金陵大火延及轉運廨舍弟子察親負其笥避於沼中島上公在宣州聞之亟還入門問曰唐書在乎察對曰在乃悅餘無所問自壯年至于白首乃成亦未以示人文臨公執政嘗從公借之

又曰伯恭晚年請人曰孫之翰唐論勝唐鑑要之也是切於事情只是大綱却未正了

陳氏曰唐以唐書頗冗遺略多失休法乃修為唐史用編年体自康定元年遠嘉祐元年成書七十五卷為論九十二首甫沒朝廷取其書留禁中子察錄以遺溫公而世亦罕見蜀有刻本未

唐鑑二十卷

有之今惟諸論存焉
晁氏曰皇朝范祖禹醇夫撰醇夫為溫公通鑑局編修官十五年分掌唐史以其所自得著成此書取武后臨朝二十一年繫之中宗其言曰此春秋公在乾侯之義也雖得罪於君子有所不辭觀此則知醇夫之從公決非苟同者凡三百六篇
朱子語錄曰范大史唐鑑第一段論守臣節處不圓要做一書補之不曾做得范氏此文字草草之甚其人資質渾厚說得都如此

平正只是踈多不入理終止臣節處於此亦須有些處置豈可便如此休了如此議論豈不為英雄所笑又曰唐鑑有踈處孫之翰唐論精細說得利害如身親歷之但理不及唐鑑耳又曰唐鑑多說得散開無收殺如姚崇論擇十道使惠未得人他自說得意不知范氏何故却貶其說又曰唐鑑白馬之禍歐公論不及此又曰唐鑑有緩而不精確處如言租庸調及揚炎二稅之法說得都無收殺只云在於得人不在于法有這般苟且處它是見熙寧間詳於制度故有激而言只那有激便不平直
陳氏曰元祐初上此書

唐史評三卷

晁氏曰題曰適適先生不詳何人門人譙孝寧為編次

五代史纂誤五卷

雜錄一卷

晁氏曰皇朝吳鎮撰凡二百餘事皆歐陽永叔新五代史抵牾舛

訛也按通鑑考異證歐陽史差誤如莊宗還二矢事之類甚衆今此書皆不取之證其事之脫錯而已又善本未必皆然陳氏曰宇文時中具奏郡庠有二史板遂二書刻之後皆取入國子監初郡人思漢王氏刻藏經有餘板以刊二史實郡庠中興監書多闕遂取其板以往今監本是也

典故辨疑二十卷

儒林郎主管尚書吏部架閣文字李大性撰淳熙十三年投進自為序略曰仰惟皇朝聖明相紹明良之懿著在青史坦然明白信以傳信而縵紳相屬佔畢益敏私史薦興說令蠶午朱紫苗莠混為一區熙朝盛美未免蒙翳詰略舉數端言之如梅堯臣碧雲駮非堯臣所撰孔平仲雜錄非平仲所述建隆遺事以王禹偁名而實非禹偁志恠集括異志倦游錄以張師正名而實非師正涑水記聞雖出於司馬光而多所增益談叢雖出於陳師道而多所誤

蓋以至王安石日錄祭條國史後補又皆不足以取信儒者俱嘗言之而未之詳辨也矧其言者乎蓋嘗推其疇曷為說滋夥數其差舛不見彈述雖云憎火之衆於大明何傷於微塵纖埃非全鏡所宜有也然則丹鉛點勘寤疑辨惑匪書生職歟臣大懼私史踏駁或為正史之蠹輒擷其事而正之伏自忖念衡茅之下多未見之書樸櫟之材無竒特之見固不當自寘于五不韙之域以奸嚴誅而孤忠拳拳所欲辨明懷不能已非敢遠慕昔人作指瑕糾謬之書以詒攻訶之誚獨取熙朝美事及名卿才大夫之卓卓可稱而其事為野史語錄所翳者辨而明之參其歲月質其名氏爵位而考證焉其或傳聞異詞難以示信以意逆志雖知其非而未有曉然依據則姑置弗辨其所辨者必得所證而後為之說焉所辨凡二百條釐為二十卷名之曰典故辨疑

右史評史抄

文獻通考卷之二百終

文獻通考卷之二百一

鄒陽 馬端臨 貴與著

經籍考

史

故事

隋經籍志曰古者朝廷之政發號施令百司奉之藏于官府各脩其職守而弗忘春秋傳曰吾視諸故府則其事也周官御史掌治朝之法太史掌萬民之約契與質劑以逆邦國之治然則百司庶府各藏其事太史之職又總而掌之漢時蕭何定律令張蒼制章程叔孫通定儀法條流派別制度漸廣晉初甲令已下至九百餘卷晉武帝命車騎將軍賈充博引群儒刪采其要增律十篇其餘不足經遠者為法令施行制度者為令品式章程者為故事各還其官府搢紳之士撰而錄之遂成篇卷然亦隨代遺失今據其見

存謂之舊事篇

宋三朝藝文志曰西漢有掌故之吏以主故事則名之所起不其速乎魏相為丞相務在奉行故事孔光領樞機亦守法度修故事耳然則師古之學當世之要務隋唐載故事數十家皆臺閣府署舊制及諸遺風異跡之事今所存惟二三書又取後之纂類附近者著之

隋志二十五部四百四卷

唐志十七家四十三部四百九十六卷

失名姓二十五家裴矩以下不著錄十六家九十卷

宋三朝志十六部八十六卷

宋兩朝志六部六十三卷

宋四朝志六十四部九百二十卷

宋中興志一百七十家一百八十九部一千九百九卷

職官

隋經籍志曰古之仕者名書於所臣之策各有分職以相統治周官冢宰掌建邦之六典而御史數凡從政者然則冢宰總六卿之屬以治其政御史掌其在位名數先後之次焉今漢書百官表列衆職之事記在位之次蓋亦古之制也漢末王隆應劭等以百官表不具乃作漢官解詁漢官儀等書是後相因正史表志無復百僚在官之名矣搢紳之徒或取官曹名品之書撰而錄之別行於世宋齊已後其書益繁而篇卷零疊易為亡散又多瑣細不足可紀故刪其見存可觀者編為職官篇

隋志二十七部三百三十六卷

通計亡書三十六部四百三十六卷

唐志十九家二十六部二百六十二卷

失姓名十家六典以下不著錄十九家二百八十卷

宋三朝志三十四部二百一十三卷

宋兩朝志八部三十二卷

宋四朝志十二部一百三十二卷

宋中興志三十六家四十二部四百一十三卷

刑法

隋經籍志曰刑法者先王所以懲罪惡齊不軌者也書述唐虞之世五刑有服而夏后氏正刑有五科條三千周官司寇掌三典以刑邦國司刑掌五刑之法麗萬民之罪太史又以典法逆于邦國內史執國法以考政事春秋傳曰在九刑不忘然則刑書之作久矣蓋藏于官府懼人之知爭端而輕於犯及其末也肆情越法刑罰僭濫至秦重之以苛虐先王之正刑滅矣漢初蕭何定律九章其後漸更增益令甲巳下盈溢繁穢晉初賈充杜預刪而定之有律有令有故事梁時又取故事之宜於時者為梁科後齊武帝時又於麟趾殿刪正刑典謂之麟趾格後周太祖又命蘇綽撰大統式隋則律令格式並行自律以下世有改作事在刑法志漢律久亡故事駁議又多零失今錄其尤存可觀者編為刑法篇

唐志二十八家六十一部一千四卷

失姓名九家自開元新格以下不著錄十三家三百廿三卷

宋三朝志四十三部六百九十四卷

宋兩朝志三十四部三百七十七卷

宋四朝志一百一十二部一萬七千三百卷

宋中興志八十七家九十四部三千九百三十卷

地理

隋經籍志曰昔者先王之化民也以五方土地風氣所生剛柔輕重飲食衣服各有其性不可遷變是故疆理天下物其土宜知其利害達其志而通其欲齊其政而脩其教故曰廣谷大川異制人居其間異俗書錄禹別九州定其山川分其圻界條其物產辨其貢賦斯之謂也周則夏官司險掌建九州之圖周知山林川澤之阻達其道路地官誦訓掌方志以詔觀事以知地俗春官保章以星土辨九州之地所封之域以觀祿祥秋官職方掌天下之圖地辨

四夷八蠻九貉五戎六狄之人與其財用九穀六畜之數周知利害辨九州之國使同其貫司徒掌邦之土地之圖與其人民之教以佐王擾邦國周知九州之域廣輪之數辨其山林川澤丘陵墳衍原隰之名物又主會之法然則其事分在衆職而冢宰掌建邦之六典實揔其事太史以典逆冢宰之治其書蓋亦揔爲史官之職漢初蕭何得秦圖書故知天下要害後又得山海經相傳以爲夏禹所記武帝時計書既上大史郡國地志固亦在焉而史遷所記但述河渠而已其後劉向畧言地域丞相張禹使屬朱貢條記風俗班固因之作地理志其州國郡縣山川夷險時俗之異經星之分風氣所生區域之廣戶口之數各有攸叙與古禹貢周官所記相埒是後載筆之士管窺末學不能及遠但記州郡之名而已晉世摯虞依禹貢周官作畿服經其州郡及縣分野封畧事業國邑山陵水泉鄉亭道里土田民物風俗先賢舊好靡不具悉凡一

百七十卷今亡而學者因其經歷並有紀載然不能成一家之體齊時陸澄聚一百六十家之說依其前後遠近編而爲部謂之地理書任昉又增陸澄之書八十四家謂之地記陳時顧野王抄撰衆家之言作輿地志隋大業中普詔天下諸郡條其風俗物產地圖上于尚書故隋代有諸郡物產土俗記一百五十一卷區宇圖志一百二十九卷諸州圖經集一百卷其餘記注甚衆今任陸二家所記之內而又別行者各錄在其書之上自餘次之於下以備地理之記焉

隋志一百二十九部一千四百三十二卷

通計亡書合一百四十一部

唐志六十三家一百六部一千二百九十二卷

失姓三十一家李

三家九百八十九卷

宋三朝志九十五部二千三百二十八卷

宋兩朝志二十八部一百八十三卷

宋四朝志四十二部六百七十七卷

宋中興志三百二十二家三百三十六部三千四百七十一卷

時令

宋中興藝文志前史時令皆入子部農家類惟中興館閣書目別為一類列之史部以諸家所載不專為農事故也今從之凡十七家十八部一百九十九卷

譜系

隋經籍志曰氏姓之書其所由來遠矣書稱別生分類傳曰天子建德因生以賜姓周家小史定繫世辨昭穆則亦史之職也秦蕪天下刻除舊跡公侯子孫失其本繫漢初得世本叙黃帝已來祖世所出而漢又有帝王年譜後漢有鄧氏官譜晉世執虞作族姓昭穆記十卷齊梁之間其書轉廢後魏遷洛有八氏十姓咸出帝族又有三十六族則諸國之從魏者九十二姓世為部落大人者

並為河南洛陽人其中國士人則第其門閥有四海大姓郡姓州姓縣姓及周太祖入關諸姓子孫有功者並令為其宗長仍撰譜錄紀其所承又以關內諸州為其本望其鄧氏官譜及族姓昭穆記晉亂已亡自餘亦多遺失今錄其見存者以為譜系篇

隋志四十一部三百六十卷

通計亡書合五十三部一千二百八十卷

唐志十七家三十九部一千六百一十七卷

宋三朝志五十三部一百五十四卷

宋兩朝志九部六十二卷

宋四朝志十六部七十九卷

宋中興志五十三家五十九部二百二十三卷

目錄

隋經籍志曰古者史官既司典籍蓋有目錄以為綱紀體制堙滅不可復知孔子刪書別為之序各陳作者所由韓毛二詩亦皆相

類漢時劉向別錄劉歆七畧剖析條流各有其部推尋事跡疑即古之制也自是之後不能辨其流別但記書名而已博覽之士疾其渾漫故王儉作七志阮孝緒作七錄並皆別行大體雖準向歆而遠不逮矣其先代目錄亦多散亡今摠其見存編為簿錄篇

隋志三十部二百一十四卷

唐志十九家二十二部四百六卷

失姓名二家毋與以下不著錄十二家一百五十四卷

宋三朝志目錄十六部一百四十一卷

宋兩朝志十一部九十二卷

宋四朝志六部三十卷

宋中興志四十六家五十一部五百二十一卷

史故事

貞觀政要十卷

晁氏曰唐吳兢撰以唐之極治貞觀為最故采時政之可

戒者上之於朝凡四十篇

陳氏曰前題衛尉少卿兼修國史按新舊書列傳兢未嘗為此官而書亦不記歲月但其首稱良相傳中安陽公中書令河東公亦未詳為何人館閣書目云神龍中所進當考

翰林盛事一卷

陳氏曰唐劉尉常山張著處晦撰記儒人盛事自武德中迄于

天寶首載張文成七登科者即著之祖也

衣冠盛事一卷

陳氏曰唐武功蘇特撰

太和辨謗略三卷

晁氏曰唐李德裕撰先是唐武宗錄周秦迄隋忠賢權謬謗事德宗覽之不悅後憲宗以為善命令狐楚等廣之成十卷六和中

文盛上之

三五十六
陳氏曰李德裕以令狐楚所著刪其繁蕪益以唐事裁成三卷
集賢裴潏為之序元和書今不存邯鄲書自亦止有前五卷

秦傳玉璽譜一卷

陳氏曰題博陵崔逢脩協律郎嚴士元重脩河東少尹魏德謨

潤色

國璽傳一卷

傳國璽記一卷

陳氏曰傳無名氏所記止唐肅宗記稱嚴士元與前大同小異

玉璽雜記一卷

陳氏曰徐景撰乾元元年七月記唐志有徐景玉璽正錄即此

書也

楚寶傳一卷

陳氏曰杜確撰肅宗乾元二年楚州尼真如獻寶事

八寶記一卷

陳氏曰無名氏大觀二年

唐文宗朝備問一卷

陳氏曰不著名氏雜錄唐朝典故

通典二百卷

晁氏曰唐宰相杜祐撰先是劉秩採經史自黃帝迄天寶末制
度沿革廢置論議得失倣周禮六官法為政典三十五篇房琯
稱才過劉向祐以為未盡因廣之參以新禮為二百篇以食貨
選舉職官禮樂刑法州郡邊防八門分類叙載世推該洽三十
六年成書德宗時上之

續通典二百卷

陳氏曰翰林學士承旨大名宋白太素等撰咸平三年奉詔四
年九月書成起唐至德初迄周顯德末王欽若言杜佑通典上
下數千載為二百卷而其中四十卷為開元禮今之所載二百

餘年亦如前書卷數時論非其重複

國朝通典二百卷

陳氏曰不著名氏或言魏鶴山所為似方草創未成書也凡通典會要前書及館閣書目皆列之類書按通典載古今制度沿革會要專述典故非類書也

唐會要一百卷

晁氏曰皇朝王溥撰初唐蘇冕叙高祖至德宗九朝沿革損益之制大中七年詔崔鉉等撰次德宗以來事至宣宗大中之年以續冕書傳又採宣宗以後事共成百卷建隆二年二月奏御詞簡禮備太祖覽而嘉之詔藏於史閣

陳氏曰按唐志蘇冕會要四十卷續會要四十卷楊紹復等撰崔鉉監脩而會要稱杭州刺史蘇弁與兄冕續國朝故事為是書弁聚書至二萬卷次於集賢芸閣

五代會要三十卷

晁氏曰皇朝王溥等撰采梁至周典故纂次建隆初上之

三朝國朝會要一百五十卷

晁氏曰皇朝章得象天聖中被詔以國朝故事因革制度編次宋綬馮元李淑王舉正王洙同脩得象監摠慶曆四年書成上之

六朝國朝要會三百卷

晁氏曰神宗朝以會要止於慶曆命王珪續之起於建隆之元迄于熙寧十年通舊書增損成是書摠一十一類八百五十八間其間禮樂政令之大綱儀物事為之細目有闕討論顧無不載文簡事詳一代之典備矣

節國朝會要十二卷

晁氏曰皇朝范師道以章得象書繁多節其要以備檢

續會要三百卷

陳氏曰監修仙井虞允文并甫等上自紹興十年編修起元豐元年迄靖康之末乾道六年書成

巽齋李氏序略曰徽宗初詔王覲曾肇續編元豐至元符尋復詔起治平四年止崇寧五年凡四十年二書皆弗克成政和末有司獨上帝系后妃吉禮三類摠一百一十卷其書則通章得象王珪所編稍益以熙寧後事而此三類外皆未皇暇運遭百六史記放絕光堯壽聖太上皇帝甚憫焉紹興九年詔館職續編三十一年又降趣旨然闕簡破牘撥落匪易皇帝陛下纂修洪緒數時繹思更命宰臣提舉閱再歲乃克成書斷自神宗之初迄于靖康之末凡六十年摠三百卷分二十一類六百六十六門竊惟五朝大政前書備載類仍舊章鮮所開創逮神哲徽欽之御世因時適變道與前異大抵革于熙寧復于元祐旋革于

紹聖又復于元符再革遂臻崇觀政宣之豐豫以及靖康六十年間業廣事詳方策所記視前倍蓰今茲綴集於零落散亡之餘十僅得其六七誠不足允符神旨然科條粗舉部類各分禮樂兵財之大原儒術刑法之要指取賢斂才之品式設官分職之制度九州之別合四夷之服叛槩見于斯凡厥討論尚或有取容齋洪氏隨筆曰國朝會要自元豐三百卷之後至崇寧政和間復置局修纂宣和初王黼秉政罷修書五十八所時會要已進一百十卷餘四百卷亦成但局中欲節次觀賞故未及上既有是命局官以謂若朝廷許立限了畢不過三兩月可以投進而黼務悉矯蔡京所為故一切罷之官吏既散文書皆為弃物矣建炎三年外舅張淵道為太常博士時禮寺典籍散佚工幾而京師未陷公為宰相言宜遣官往訪故府取見存圖籍悉輦而來以備掌故此若緩而其急者也宰相不能用其後逆豫竊

據鞠為煨燼吁可惜哉

中興會要二百卷

陳氏曰監修晉江梁克家叔子等上乾道六年既進續會要有旨自建炎元年續修止紹興三十二年九月成書

國朝會要摠類五百八十八卷

陳氏曰李心傳所編合三書為一刻於蜀中其板今在國子監

三朝聖政錄十卷

晁氏曰皇朝富弼上言乞選官置局將三朝典故編成一書即

命王洙余靖孫復歐陽脩編修分別事類成九十六門

陳氏曰其書初名太平故事凡九十六門每事之後各釋其意

至紹興八年右朝議大夫呂源得舊印本刊正增廣名政要釋

明策備上之於朝館閣書目指政要為寶訓非也

三朝寶訓三十卷

陳氏曰翰林學士李淑等撰天聖五年監修國史青社王曾奏

乞用唐吳兢正觀政要故事取三朝聖語政事及臣僚奏對不

入正史者別為一書與國史實錄並行至十年書成詔以寶訓

為名其後進讀於通英今館閣書目以為二十卷富弼所上者

非也乃政要耳

王氏揮麈錄曰仁宗即位方十歲章獻明肅太后臨朝章獻素

多知謀分命儒臣為章靖元孫宣公與宗宣獻等采撫歷代

君臣事迹為觀古一書祖宗故事為三朝寶訓十卷每卷

十事又纂郊祀儀仗為鹵簿書三十卷詔翰林待詔高克明等

繪畫之極為精妙叙事于左令傳母輩日夕侍上展玩之解釋

誘進鏤板于禁中元豐末哲宗以九歲登極或有以其事啓于

宣仁聖烈皇后者亦命取板摹印做此為帝學之權輿分錫近

臣及館殿時大父亦預其賜明清家因有之紹興中為蔡伯陽

所取

三朝訓鑿圖十卷

陳氏曰學士李淑楊偉等修纂慶曆八年偉初奉旨檢討三朝事迹乞與淑共編且乞製序皇祐元年書成頃在舊日有售此書者亟求觀之則已為好事者所得蓋當時御府刻本也卷為一冊九十事事為一圖飾以青赤亟命工傳錄凡字大小行廣狹設色規模一切從其舊歛衽鋪觀如生慶曆皇祐間目睹聖作明述之盛也按館閣書目載此書云繪采皆闕至續書目乃云得其全未知果當時刻本乎抑亦摹傳也

按三朝寶訓一書直齋書錄解題以為宰相王旦奏請編修成於天聖十年凡三十卷揮塵錄以為章惇所修成於天聖初年凡十卷殊不相脗合然揮塵錄中刻本且有繪圖則似即此三朝訓鑿圖十卷之書然直齋以此書

為慶曆皇祐時所修纂則又與揮塵錄所謂仁皇初年傳母輩侍上展玩之語不合矣當俟考訂精者質之

仁宗政要四十卷

晁氏曰皇朝張唐英撰

仁皇訓典六卷

陳氏曰翰林侍講范祖禹撰元祐八年經筵所上凡三百七十七條大略亦用寶訓體

兩朝寶訓二十卷

陳氏曰禮部郎中長樂林希子中編進用天聖故事也元豐六年表上

神宗寶訓二十卷

晁氏曰皇朝林處撰處希之姪也剽聞神宗聖政輒稱記錄分一百門以續五朝寶訓崇寧上于朝

歷代年號并宮殿等名一卷

陳氏曰丞相饒陽李昉明叔在翰苑時所纂

朝制要覽五十卷

陳氏曰屯田郎中宋咸撰此書傳於陸放翁書其後曰先君會稽公晚歲喜觀間為子弟講論因草率至夜分會稽公者宰元鈞也其書作於嘉祐中皆國初故實觀之使人有感焉

景德會計錄六卷

晁氏曰皇朝丁謂謂之撰謂景德中纂三司戶口稅賦之入及兵合吏祿之費會計天下每歲出納贏虧之數書成奏御

陳氏曰謂時為三司使序言歲收兩京十七路帳籍四萬四百有七日入疾徐事一千五百文移倍之以李吉甫國計簿實說國要圖摠其目得四十列為六卷一戶賦二郡縣三課入四歲用五祿食六雜記大抵取景德中一年為準

皇祐會計錄六卷

晁氏曰皇朝田况元鈞撰况兩為三司使謂夏竦佐命之後增兵比之景德幾一倍加之吏員益繁經費日侈民力日疲乃約丁謂會計錄以皇祐財賦所入多於景德而其出又多於所入著成此書上之庶幾朝廷稽祖宗之舊省浮費以裕斯民云
陳氏曰元鈞做景德之舊取一歲取中者為佳又為儲運一篇以補其闕

春明退朝錄三卷

陳氏曰龍圖閣學士常山宋敏求次道撰所記多故實其父宣獻公綬居第在春明坊如晁氏稱昭德也

先朝政範一卷

陳氏曰直集賢院祖徠石介守道編進自任將至悔過凡十三篇

尊號錄一卷

丞相安陸宋庠公序撰大意以為徽號夸詡非古而我祖宗往往謙遜不居猶願超然遠覽盡屏前號其愛君以德者歟至神宗遂却不受至于今行之

輔弼名對四一卷

天禧中前進士劉顏編自漢迄五代為四十門

青社賑濟錄一卷

丞相富文忠公弼青州救荒施行文牘也

元豐問事錄二卷

光祿事丞李德芻撰德芻邯鄲李淑之子元豐中為詳定官制檢討文字詔旨所問奏藁錄為此書

官制局紀事一卷

李德芻奉旨編錄置局以來命官等事

中書備對十卷

晁氏曰皇朝元豐三年畢仲衍丞編次曰周官所謂要會者正今日中書所宜有自漢至唐皆不知議此今編成十卷凡一百二十五門附五十八事本清原書與許將書云備對乃吳正憲公居宰路以聖問多出意表故中書掾畢君為之其時預有書旨諸司遇取會不許濡滯如此尚歷數年乃就後多有改革然事亦可繁見也

蔣魏公逸史二十卷

容齋洪氏隨筆曰蔣魏公逸史相叔所著也多記當時典故文字物之舊有數百冊兵火間盡失之其曾孫芾始摺撫遺藁而成此書將以奏御以其副上之太史且板行之傳之天下後世既而不果公在熙寧元祐崇寧時為博聞強識然閱其論述頗有可議恨不及丞相在日與之言大槩辨訂官制之訛誤也

呂申公掌記一卷

陳氏曰丞相申國呂公著所撰在相位所記人材已用未用名姓及事當行已行條目

元祐榮觀集五卷

陳氏曰左朝奉大夫權太學正汪洙撰記元祐六年視學本末并群臣所上詩賦頌表之類張舜民芸叟為之序

泰陵故事二十卷

陳氏曰不著名氏皆叙仁臨朝九年中制誥表章奏議之屬

尊堯錄八卷

陳氏曰延平羅從彥仲系撰從彥師事楊時而李侗又師從彥所謂南劍三先生也從彥當靖康初為以本朝之禍起於熙豐

不遵祖宗故實故采四朝事為此錄又李沆寇準王旦王曾杜衍韓琦范仲淹富弼司馬光程顥名輔臣儒士人言行附于其

後末有別錄一卷專載司馬光論王安石陳瓘論蔡京奏疏欲

上之朝不果嘉定中守劉元濟得其書奏之且為板行

本朝事實二十卷

陳氏曰右承議郎李似撰雜錄故事不成條貫統紀

皇朝治迹統類七十三卷

陳氏曰眉山彭百川叔融撰略用表樞通鑑本末條例為前集四十卷中興後事為後集三十三卷

皇朝事類樞要二百五十卷

陳氏曰蜀人張和卿編集為一百五十門蓋舉子答策之具也

長樂財賦志十六卷

陳氏曰知漳州長樂何萬一之撰往在勤學訪同官薛師雍子然凡案間有書一編大略述三山一郡財計而累朝詔令申明沿革甚詳其書雖為一郡設於天下實闕通問所從得薛曰外

四百八十五
舅陳止齋修圖經欲以為財賦一門後緣卷秩多不果入因借錄之書無標目以意命之曰三山財計本末及來莆田謂鄭寅子敬道之鄭曰家有何一之長樂財賦志豈此耶復借觀之良是其間亦微有增損末又有安撫司一卷併抄錄附益為全書
內治聖監二十卷

陳氏曰起居舍人兼嘉王府贊讀清江彭龜年子壽撰取列聖脩身齊家教子訓齊宗室防制外戚宦官督御等事以紹熙五年表上之光宗稱善且曰祖宗家法取善漢唐不及也

高宗聖政草一卷

陳氏曰陸游在隆興初奉詔修高宗聖政草創凡例多出其手未成而去私篋不敢留景他日史記得此錄之而書其後凡二十條

高宗孝宗聖政編要二十卷

陳氏曰高宗聖政五十卷孝宗聖政五十卷乾道淳熙中所修皆有御製序此二秩書坊抄節以備舉子應用之儲也

孝宗聖政十二卷

陳氏曰亦書坊抄節比前為稍詳

按孝宗聖政係陳止齋奉詔擬御製序言起初潛至內禪掇其箴凡得六百四十一條為五十卷紹興三年序

會稽和買事宜七卷

陳氏曰浙東帥番易洪邁景廬提舉常平三山鄭湜補之集初承平時預買令下守越者無遠慮凡一路州縣所不受之數悉受之故越之額特重以匹計者十四萬六千九百居浙東之半人戶百計規免皆詭為第五等戶而四等以上戶之害日益甚於是為為畝頭均科之說者帥鄭丙少嘉憲立宗宗卿張詔君卿頗主之由淳熙十一年以後略施行而議者多以勑科五等戶

為不便參政李彥穎秀叔尚書王希呂仲行先後帥越皆言之而王畫八事尤力會光廟亦以為貽窮貧之害戶部尚書葉翥叔羽奏乞先減四萬四千餘匹止以十萬為額而後均敷詔從之仍令侍從集議皆乞闕併詭挾遂詔邁提措置既畢以施行次第類成此書時紹熙元年也

劉忠肅救荒錄五卷

陳氏曰王居仁撰淳熙乙未樞密劉珙共父帥江東救荒本末嘉定乙亥真景元刻之漕司以配韓富公青社之編而以劉公行狀謚議附于後

西漢會要七十卷東漢會要四十卷

武學博士清江徐天麟仲祥撰以二史所載漢家制度典章散於紀傳表者倣唐以來會要體分門編纂其用力勤矣其言危擘志蕙為謝儼蠟以覆車劉昭因擘遺緒註而補之夫既

以覆車安得復有遺緒蓋未考昭之所著實司馬紹統續漢書志也仲祥乙丑進士世有史學其世父夢莘商老著北盟會編父得之思叔為左氏國紀兄筠孟堅作漢官考皆行於世

漢制叢錄三十三卷

袁夢麟應祥撰以二漢所紀典故分門編類凡二十五門

平陽會四卷

通直郎知平陽縣汪季良子駟撰平陽號難治為浙東三陽之冠季良治有聲乃以一邑財計自兩稅而下為二十一篇終於歲會旁通必革本末大略備矣又為外篇五條如砧基副本催科檢放及書手除科敷之類以為此財用所從出也季良端明應辰之孫佳士且能吏也得年不永士論惜之

唐昌記二卷

知昌化縣趙希克家撰

錢譜十卷

晁氏曰右梁顧烜嘗撰錢譜一卷唐張台亦有錢錄兩卷皇朝
紹聖間 孝美以兩人所纂舛錯增廣成十卷分八品云

貨泉錄一卷

晁氏曰右皇朝陶岳撰記五代諸侯擅改錢幣之由幽州嶺南
福建湖南江南五國

續錢譜十卷

晁氏曰右皇朝董道撰道之祖嘗得古錢百令道考次其文譜
之以前世帝王世次為序且言梁顧烜唐封演之譜浸汗酸固
不可用其譜自太昊葛天氏至堯舜夏商皆有錢幣其穿鑿
妄至此

泉志十五卷

陳氏曰洪遵景伯撰記歷代錢寶

漫銅要略一卷

陳氏曰張甲撰稱德興草澤紹聖元年序蓋膽水浸鉄成銅之
始甲參政子公之祖

治金錄一卷

陳氏曰泉司吏所為也

鄭夾深通志略

莆鄭樵漁仲撰淳熙間經進自序略曰江淹有言修史之難無
出於志誠以志者憲章之所係非老於典故者不能為也不比
紀傳紀以年包事傳以事繫年儒學之士皆能為之惟有志難
其次莫如表所以范曄陳壽之徒能為紀傳而不敢作表志志
之大原起於爾雅司馬遷曰書班固曰志蓋豈曰意華嶠曰興
張勃曰錄何法盛曰說餘史並承班固謂之志皆詳於浮言略
於事實不足以盡爾雅之義臣今摠天下之大學術而條其綱

目名之曰略凡二十略百代之憲章學者之能事盡於此矣其
五略漢唐諸儒所得而聞其十五略漢唐諸儒所不得而聞也
曰氏族略六書略七音略天文略地理略都邑略謚略器服略
樂藝文略校讎略圖譜金石略灾祥略昆虫草木略九十五略
出臣曾臆不涉漢唐諸儒議論曰禮略職官略選舉略刑罰略
凡前五略雖本無前人之典亦非諸史之文也

按鄭氏此書名之曰通志其該括甚大卷首序論譏訾前人
高自稱許蓋自以為無復遺憾矣然夷考其書則氏族六書
七音等略考訂詳明議論精到所謂出臣曾臆非諸儒所得
聞者誠是也至於天文地理器服則失之太簡如古人器服
之制度至詳今止樽壘一二而謂之器服略可乎若禮及職
官選舉刑罰食貨五者則古今經制甚繁沿革不一故杜岐
公通典之書五者居十之八然杜公生貞元間故其所記亦

止於唐天寶今通志既自為一書則天寶而後宋中興以前
皆合陸續銓次如班固漢書續史記武帝以後可也今通志
此五略天寶以前則盡寫通典全文略無增損天寶以後則
竟不復陸續又以通典細注稱為己意附其旁而亦無所發

明

通志此五略中所謂臣按云云
低一字寫者皆通典細注耳

疎略如此乃自謂雖本前

人之典而亦非諸史之文不亦誣乎夾漈譏司馬子長全用
舊文間以里俗來撫未備筆削不遑又譏班孟堅全無學識
專事剽竊自高祖至武帝七世盡竊遷書不以為慚至其所
自為書則不堪檢點如此然則著述豈易言哉

又按此書刊本元無卷數止是逐略分為一二耳中興四朝
藝文別史類載通志二百卷其後敘述云中興初鄭樵采歷
代史及它書自三皇迄隋為書曰通志倣遷固為記傳而改
表為譜志為略則其為書似是節抄刪正歷代之正史如高

峻之小史蘇子由之古史而非此二十略之書也但二十略序文後言於紀傳即其舊文從而損益制誥書疏實之別錄唐書五代史本朝大臣所修非微臣敢議故紀傳及隋若禮樂刑政務存因革固引而至唐云則亦略言其作書之意豈彼二百卷者自為一書亦名之曰通志而於此序附言其意耶或併二十略共為一書耶當俟續考

文獻通考卷之二百一終

文獻通考卷之二百二

鄱陽馬端臨貴與著

經籍考

史職官

漢官儀一卷續補一卷

陳氏曰後漢軍謀校尉汝南應劭仲遠撰按唐志有漢官五卷漢官儀十卷今惟存此一卷載三公官名及名姓州里而已其全書亡矣李皇季允嘗續補一卷

漢官典儀一卷續補一卷

陳氏曰漢衛尉蔡質撰雜記官制及上書謁見禮式隋志有漢官典職儀式二卷今存一卷李皇亦補一卷其續者皆出於史中採拾

漢官舊儀三卷

中守のりりり

世通

陳氏曰漢議郎東海衛宏敬仲撰或云胡廣按宏本傳作漢舊儀四篇以載西京雜事不名漢官今此惟三卷而又有漢官之目未知果當時本書否唐志亦無官字舊在儀注類以其載官制爲多故著於此

唐六典三十卷

晁氏曰唐玄宗撰李林甫張說等注以三公三師三省九寺五監十二衛等列其職司官佐叙其秩品以擬周禮雖不能悉行於世而諸司遵用殆將過半觀唐會要請事者往往援據以爲實章述以爲書雖成而竟不行過矣然識者謂自唐虞至周有六官而無寺監自秦迄陳有寺監而無六官獨此書兼之故官皆複重也

陳氏曰題御撰李林甫等奉敕注按章述集賢記注開元十年起居舍人陸堅被旨修六典上手寫白麻紙凡六條曰理教禮

政刑事典令以類相從撰錄以進張說以其事委徐堅思之歷年未知所適又委毋嬰余欽章述始以令式入六司象周禮六官之制其公革並入注然用功艱難其後張九齡又以委咸二十六年奏草上至今在書院亦不行用今按新書百官志皆取此書即太宗貞觀六年所定官令也周官六職視周禮六典已有邦土邦事之殊不可考證唐制內外官與周制迥然不同而強名六典可乎善乎范太史祖禹之言曰既有太尉司徒司空而又有尚書省是政出於二也既有尚書省而又有九寺是政出於三也本朝裕陵好觀六典元豐官制盡用之中書造命門下審覆尚書奉行機事往往留滯上意亦頗以爲悔云

中台志十卷

晁氏曰唐李肇撰起殷周迄隋唐纂輔相邪正之迹分皇王霸亂亡五類以爲鑒戒唐相以李林甫陳希烈附皇道筮上元中

自表天寶初追以綴名云

元和百司舉要二卷

陳氏曰唐宰相趙郡李吉甫弘憲撰首稱文班八十四司四百六十員武班二十六司一百八十員都計六百四十員未稱京文武官及府縣總三千七百九十九員意者當時實數也

具員故事十卷

陳氏曰唐鳳閣舍人梁載言撰以唐官具員附之歷代事迹蓋後人職林職官分紀之類所從始也或稱職祖連珠崇文摠目又作具員事跡中興書目惟有七卷三卷缺

官品纂要十卷

陳氏曰唐樂安任戩撰以官品令為主而階職勳爵隨品具列歷代沿革頗著其要戩舉進士不第為此書皇祐大和之丁未

御史臺記十二卷

晁氏曰唐韓琬撰載唐元初至開元御史臺中制度故事以大
夫中丞侍御史殿中監察主簿錄事分門載次名氏行事著論
一篇叙御史正邪得失進擢誅滅之狀附卷末以為世戒

陳氏曰自唐初迄開元五年御史姓名行事及官制沿革皆詳
著之第八卷為琬著傳九卷以後為右臺右臺創於武后廢於
中宗歲月蓋不久也未有雜說五十七條

御史臺故事三卷

陳氏曰唐朝集使洛州錄事參軍李構撰

集賢注記二卷

晁氏曰唐集賢學士韋述撰述在集賢四十年天寶丙申撫置
院始末及院中故事修撰書史之次及孝明時學士名氏頗喜
叙事

南宮故事一卷

晁氏曰不題撰人韋述云開元中劉鄭蘭撰劉儒者無著述方
翰林志一卷

晁氏曰唐李肇撰纂唐世翰林院中供奉儀制制誥書詔之式
其後云睿聖文武皇帝裂海岱十二州為三道之歲蓋憲宗元
和十四年也

承旨學士院記一卷

陳氏曰唐承旨河南元稹微之撰載承旨姓名自貞元二十一
年鄭絪至元和十五年杜元穎并稹為十二人末又有李德裕
李紳韋處厚三人蓋後人所益也

翰林學士記一卷

陳氏曰唐侍講學士萬年韋處厚德載撰

翰林院故事一卷

陳氏曰唐學士京兆韋執誼撰

翰林學士院舊規一卷

陳氏曰唐學士馮翊楊鉅文碩撰雜記院中事例及文書格式
其祠祭祀版社稷宗廟上至天地用伏惟尚享岳瀆而降只曰
尚享此例今人皆莫之知則施之尊卑無別矣鉅宰相收之子
其為學士在昭宗時

重修翰林壁記一卷

陳氏曰唐學士丁居晦撰開元二年也所記姓名迄于咸通而
獨無天寶大曆學士為不可曉

翰林盛事一卷

陳氏曰唐張著撰記唐朝儒臣美事凡三十八人

史館故事錄三卷

晁氏曰不題撰人姓名記史館雜分六門迄於五代李獻臣以
為後周史官所著

陳氏曰六門曰叙事史例編修直筆曲筆而終之以雜錄末稱
皇朝廣訓則是周朝史官也

翰林續志二卷

晁氏曰皇朝蘇易簡撰易簡在北門宸承太宗睽遇錄元和以
後至國朝翰林故事以續李肇之書

金坡遺事三卷

晁氏曰皇朝錢惟演載國朝禁林儀式事迹并學士名氏文元
公述真宗禮待儒臣三事附于卷末

陳氏曰題名自建隆至天聖四年凡四十七人自開元而下合
三百一十五人其他典故視前記詳矣

翰林雜志一卷

晁氏曰不題撰人輯唐書韋執誼故事元稹承旨壁記韋來微
新樓記杜元穎監院使記鄭興視草亭記并詩李宗諤題名記

為一篇或云蘇易簡子耆承其父翰林續志所遺附益之

陳氏曰蘇耆以其父遭遇恩禮之盛續於其後名次續志

別書金坡遺事一卷

陳氏曰學士澶淵晁迥昭遠撰因錢惟演寄示遺事別書真宗
待遇恩禮三則於其後

翰苑雜記一卷

陳氏曰學士饒陽李宗諤昌武撰

掖垣叢志二卷

晁氏曰皇朝宋庠撰景祐中李宗諤始取國初掌誥名氏刻之
于石自為紀序庠因之成此書王禹玉頗譏其踈略裴庭裕載
舍人上事知印宰相壓角至今傳之為故事而庠書闕焉時為
三字

掖垣續志一卷

晁氏曰不詳撰人續宋庠書迄元祐六年十一月陳軒試中書舍人

御史臺記五卷

陳氏曰不知何人作記本朝御史臺事至崇觀間

嘉祐御史臺記五十卷

晁氏曰右皇朝馮潔已撰御史臺有記始於武后時姚庭筠其後韓琬章述嗣有紀著嘉祐中王疇命潔已續之乃上自太祖建隆之元迄於嘉祐之末凡一百四年分門載其名氏行事凡三百餘人潔已拯之子也為叙傳兩篇述其父事且自叙立朝本末云與呂獻可傳欽之趙閱道相善而鄙韓玉汝周孟陽亦可槩見其為人也

新御史臺記

晁氏曰右皇朝宋聖寵編崇寧中聖寵為察官續韓琬書咸用

其規式所異者不為諸人立傳於儀制勅令格式為詳後人續至紹興九年

御史臺彈奏格一卷

晁氏曰右政和中御史中丞蔣猷奏乞委屬官李弥大將本臺制勅令格式彈奏事件編成格目六月書成上之

陳氏宰相拜罷錄一卷

晁氏曰皇朝陳繹奉詔編起范質止曾公亮所載拜罷之由與實錄不同元祐史臣謂繹多出己意

陳氏樞府拜罷錄一卷

晁氏曰陳繹編起魏仁浦止宋綬

宰輔拜罷錄二十四卷

陳氏曰史館修撰范冲元長等撰起建隆元年止紹興六年宰相自范質至張浚執政自趙普至折彥質名記除授年月訓詞

亦略叙在位本末于后

執政拜罷錄十卷

晁氏曰不題撰人自建隆元年止紹興九年按國朝以樞密院及參知政事為執政改官制後以左右丞兩省侍郎并密院為執政建炎三年後復用舊制云

國朝輔相年表一卷續一卷

陳氏曰同知太常禮院開封陳繹和叔撰自建隆庚申迄治平丙午續自丁未迄紹興十四年稱臣易記而不著姓當是李易也時方自給事中奉祠其曰私題臣易之次者其書蓋未必上而私續之耳自後接于嘉定則後人所益也

百官公卿表一百四十五卷

書錄解題作十五卷

晁氏曰皇朝司馬光君實等撰熙寧中光以翰林學士兼史館修撰建議欲據國史旁采異聞叙宋興以來百官除拜劾漢書

作表以便御覽詔許之光請宋敏求同修及敏求卒又請趙彥若繼之歷十二年書成

公自序曰唐初職事官有六省一臺九寺三監十六衛十六府之屬其外又有勳官散官勳官以賞戰多散官以褒勤舊故必折馘執俘然後賜勳積資累考然後進階以其不可妄得故當時以為榮及高宗東封武后預政欲求媚於衆始有汎階自是品秩浸訛朱紫日繁矣肅宗之後四方糜沸兵革不息財力屈竭勳官不足以勸武功府庫不足以募戰士遂并職事官通用為賞不復選材無所愛吝將帥出征者皆給空名告身自開府至即將聽臨事注名後又聽以信牒授人有至異姓王者於是金帛重而官爵輕矣或以大將軍告身纔易一醉其濫如此重以藩方跋扈朝廷畏之窮極褒寵苟求姑息遂有朝編卒伍暮擁節旄夕解提衣旦紆公衮者矣流及五代等衰益紊三公端

筆但詳於宰相執政也且當時修此表歷十二年乃成其久如是其疎略顧如是是必不然當其家舊藏不得其純全耳其能薄不堪世用願願盡力於史學而本朝故事尤切欣慕其既不自料故追繼光作將以昭明祖宗之盛德大業使衆說咸會于一不敢鑿空架虛營或視聽固當盡其月日如古春秋乃可傳信彼百官沿革公卿除拜皆重之最大者也年表又安可缺因取舊七卷亟整治之續編其年至宣和止元符以前皆從實錄治平而上又參諸正史元符以後不免憑所傳聞國書既非人撰通有辛苦求得之脫簡誤字絕無他本可校於先後次序亦多舛悞但憑所傳聞則宣和距元符二十五六年茲不詳此皆某之罪也改而正諸必有所待年表者止七卷者第不均今釐以之與其所續編者摠一百四十一卷其所止者皆類具之目錄其故事則當別見續紀此不重刊

按此序則溫公本書止十卷巽岩續編推而廣之為一百四十二卷晁氏所言乃巽石續書非溫公本書也陳氏以為未詳者是未見巽岩之書然又以溫公之書為十五卷則不知其何所本也

晁氏在巽岩之前安得見其書所謂一百四十五卷者決非巽岩之書也

職林二十卷

陳氏曰集賢院學士錢唐楊侃撰咸平二年所序有胡昉者明道二年作後序增益事實七百四十五條而以新續標之侃端拱進士晚為知制誥避真宗舊諱更名大雅歐陽公其壻也集中有墓誌

輔弼名對四十卷目錄一卷

晁氏曰皇朝劉頴撰纂西漢迄五代群臣應對之名者汲黯有天子置公卿輔弼之臣寧令從諛承意陷主不諛之言頴取以名其書天聖初馮元為侍講上之頴常為令坐事免由是詔復

其官

職官分紀五十卷

陳氏曰富春孫逢吉彥同撰大抵本職抄而增廣之條例精密事實詳備矣秦少游序之元祐七年也

官制學制名一卷

陳氏曰司馬光撰

唐職林三十卷

陳氏曰石埭尉惟揚馬永錫明叟撰以唐六典為上而附以新史所載事實頗采傳記歌詩之屬政和乙未天台左譽序

朝集院須知一卷

陳氏曰無名氏錄承平時京朝官得替回朝見禮式

皇宋館閣五卷

陳氏曰不著名氏所記止於元祐中興館閣書目云秘閣校理

宋匪躬撰又云共八門元十五卷存十一卷今本止五卷不見門類前三卷又混而為一意未必全書也

蓬山志五卷

陳氏曰秘書少監劔川羅疇疇老撰凡十五門崇寧四年序

麟臺故事五卷

晁氏曰皇朝程俱撰紹興初復館職首入館纂集舊聞成十二篇予所藏書斷自南渡之前獨此書以載官制後事為詳故錄之

陳氏曰俱在承平時凡三入省故其見聞為詳

中興館閣錄十卷續十卷

陳氏曰秘書監天台陳騏叔進撰淳熙中騏長蓬山與同僚錄建炎以來事為此書本燾仁父為序續錄者後人因舊文增附之耳

巽若李氏序曰上世官修其方故物不坻伏後世弗安厥官其方莫修職業因以放失夫方云者書也究其本原事迹及朝夕所當思管者采書之法術具焉使居是官者奉以周旋雖百世可考爾周官三百六十官各有書小行人適四方則物為一書多至五書蓋古之人將有行也舉必及三惟始衷終依據審諦則其設施斯可傳又六龍駐蹕臨安踰四十年三省樞密院制度尚稽復舊惟三館秘閣歸然傑出非百司比自唐開元韋述所集記注元祐間宋宣獻之孫匪躬作館閣錄紹興改元程俱致道作麟臺故事朱氏皆祖韋氏而程氏故事并國初它則多闕蓋未知其有宋錄也惜寂後四卷俄空焉余屢蒐采弗獲欲補又弗暇每每太息今所編集第斷自建炎以來凡物巨細靡有脫遺視程氏誠當且密官修其方行古道者不當如是耶昏忘倦游喜見此書乃援筆為之序

翰林群書三卷

翰林遺事一卷

陳氏曰學士承旨番易洪遵景嚴自李肇而下十一家及年表中興後題名共為一書而以其所錄遺事附其末摠為三卷遺事錄諸書所未及者洪氏父子兄弟四人入翰苑

續史館故事一卷

陳氏曰著作佐郎曲阿洪興祖慶善撰記國朝史館事迹以續舊編

祖宗官制舊典三卷

陳氏曰直龍圖閣東萊蔡惇元道撰大略以為元豐用官階寄祿雖號正名而流品混淆爵位輕濫故以祖宗舊典與新制參稽互考而論其得失元道文忠公參政齊之姪孫而翰林學士延慶之子渡江卒於涪陵尹和靖焯嘗題其墓

官制舊典正誤一卷

陳氏曰無名氏

國朝官制沿革一卷

陳氏曰黃琮元禮撰

職官記一卷

陳氏曰大理少卿蜀人張縝季長撰專載新舊遷轉之異亦以寄祿為未然也以上三家皆附蔡氏書後

官制新典十卷

陳氏曰熊克撰其書以元豐新制為主而元祐之略加通變崇政之恣為紛更皆具列焉

聖朝職略二十卷

陳氏曰熊克撰倣馬永易唐職林考其廢置因革亦頗采故事摘舊制誥中語附焉其書猶草創未成蓋應用之具也

續百官公卿表二十卷質疑十卷

陳氏曰兵部尚書永嘉蔡幼學行之撰續百官舊書起熙寧至

靖康質疑者考異也

職源五十卷

陳氏曰大理司直金華王益之行甫撰亦簡牘應用之書也而專以今日見行官制為主蓋中興以後於舊制多所併省故也

元輔表一卷

陳氏曰龔頤正撰專錄宰相不及執政

漢官考六卷

陳氏曰知金州清江徐筠孟堅撰以百官表官制為主而紀傳及注家所載皆輯而錄之

漢官摠錄十卷

陳氏曰王益之撰大較亦如前書

縣法一卷

陳氏曰北京留守溫陵呂惠卿言甫撰曰法令詞訟刑獄簿曆催科給納災傷盜賊勸課教化九十門爲縣之法備於此矣雖古今事殊而大體不能越也惠卿小人之雄於才術固儂然法令居首而教化乃居其末不曰俗吏而謂之何哉

縣務綱目二十卷

陳氏曰潁陽劉鵬撰凡四十四門四百七十餘事其說不止於作縣而事關縣務者爲多焉元符庚辰序

作邑自箴十卷

陳氏曰李元弼持國撰政和丁酉序

中興百官題名五十卷

陳氏曰監察御史臨川何異同叔撰首卷爲宰輔拜罷錄餘以次列之刻浙漕司其後以時增附渡江之初庶務草創諸司間有不可考者多缺之

齊齋臺諫論二卷

陳氏曰尚書雲川倪思正父撰嘉定初更化矯韓氏用事之弊於是爲論三篇言爲之厲大者罪在臺諫已而其弊自若也則又爲續論六篇言其情狀益精詳凡爲臺諫之所以得所以失者至矣盡矣

金國官制一卷

陳氏曰虜雍僞大定年所攷切取唐及本朝舊制以文其腥膻之俗馬非馬驢非驢龜茲王所謂羸者耶

文獻通考二百之二卷終

文獻通考卷之二百三

鄱 陽 馬 端 臨 貴 與 著

經籍考

史 職官 刑法

歷代宰相年表三十四卷

李燾仁父撰其自序略曰古之所謂相者一而已初未嘗使它人參貳乎其間堯相舜舜相禹禹相臯陶臯陶既沒乃相益湯相伊尹傳所謂仲虺為湯左相者不足信也周家並建三公而一公實兼冢宰故曰爽夾輔成王而誕保文武受命者專屬之且曰歸于豐奭乃專政蓋其名三公其實一相耳自秦以降名實浸以兩失間有瓌偉絕特負賢相之稱功烈赫然著見於一時者亦必得君之尊歷年之久而莫或參貳之故也權出於一而莫或參貳之雖姦雄或得以肆其惡攘竊天下傾國敗家不

可禁遏然而一相之任終不可分者唐虞夏商之成法也彼徒見趙高王莽曹操司馬懿其禍如此之酷也而不察夫帝王之所以隆盛其為利益亦博哉不能還治其本而反疑其末並列兼制使相牽引而相遂失其職矣夫任相不獲其利而蒙其禍是君之不明非相之權果不可使出於一也既奪其職分其權則所謂相者特一大有司耳其何以摠百官治萬事而亮天功耶凡相取其德耳故曰惟尹躬暨湯咸有一德而舜禹臯陶之胥命必孜孜以德為言彼誠知所本者歟本之不知則其選用益雜而多端矣選用雜而多端故其稱號亦顛倒錯亂無有定制或居其位而不得聞其政或當軸秉鈞而身乃為它官各實糾紛賢不肖溷淆其多或至十三四人而其少猶不下四五輩古所謂相寧若此乎然而治亂安危所係今猶古也其所以得相及所以失相者要不可不知按諸舊史惟前漢及唐頗有條

其它率皆不具脫略抵牾迷失本真乃旁搜遠取推究前後悉用司馬遷經緯之法追為年表起漢元訖周顯德昔之參機務執樞要者莫不咸在事有本末附見于下否則略之使其人與其官皆相傳而不絕觀宰相之出處進退何如而天下安危治亂在目矣其足以補前代之缺文揭當今之遠鑑乎合一千五百三十四年離為三十四卷

天禧以來御史年表

李燾仁甫撰其自序曰御史法官也其責不專於言而天禧選用則與諫官俱任言責臺雖有等級也而義所當擊則卑者亦得徑行其權勢氣力又出諫官上祖宗之聖筭神術備矣亦斷自天聖以來取丞雜三院姓名悉列之表若其人必天子自擇而宰相優容之乃能有濟猶諫官也

天禧以來諫官年表

李燾仁甫撰其自序略曰古者自公卿大夫士至於工商莫不
皆有言責輻湊並進而天子斟酌焉未嘗以言責專付一官以
言責專付一官則由漢武帝失之武帝誠不喜諫者初置諫大
夫猶未限負東京循舊弗改後乃浸微晉洎江表絕不復置拓
跋魏復置其負亦不可知高齊緣孝經之文始有七人之限夫
以天下之衆而敢言者才七人尚足謂治耶恭惟祖宗明目達
聰協于虞舜任言責者不一天禱別置諫院禮秩優異它官莫
擬崇廣言路諫官御史權勢氣力乃與宰相等蓋當時所用諫
官御史必取天下第一流非學術才行俱備為一世所高者莫
在此位或誤選試旋加汰斥言而當者曾不十年徑登台輔其
名迹皆可考見嗚呼盛哉今斷自天禧置院以來作諫官年表
并列古今之變為二說以附著之其一曰諫官必天子自擇而
宰相勿與其二曰宰相雖不得與擇諫官必優容之乃克有濟

右職官

律文十二卷音義一卷

陳氏曰自魏李悝漢蕭何以來更三國六朝隋唐因革損益備
矣本朝天聖中孫奭等撰音義自名例至斷獄歷代異名比日著
之

唐令三十卷式二十卷

陳氏曰唐開元宋璟蘇頌盧從愿等所刪定藝文志卷數同更
同光天福校定至本朝淳化中右贊善大夫潘憲著作郎王泗
校勘其篇目條例頗與今見行令式有不同者

商鞅嘗氏序曰唐令三十篇以常負定職官之任以府衛設師
徒之備以口分末業為授田之法以租庸調為斂財役民之制
雖夫及二代之政然必無幾乎先王之意矣讀其書其制度有
庶幾乎古者而

刑統三十卷

晁氏曰皇朝寶儀以尚書判大理寺與法官蘇曉奚嶼張希護等修定古者議事以制使民不知所守也後世鑄刑書使民知所避也雖若不同所以為民之意則一然議事以制者委重於人鑄刑書者委重於法委重於人則上之人將輕重由心以虐其下委重於法則下之人將徵於書以慢其上其為失也亦均要之以人行法不使偏重然後為得耳

陳氏曰初范質既相周建議律條繁廣輕重無據特詔詳定號大周刑統凡二十一卷至是重加詳定建隆四年頒行

金科易覽三卷

晁氏曰崇文摠目有唐趙綽金科易覽一卷田氏書錄解題有金料易覽三卷當是綽初撰一卷緒刪改析之為三

疑獄三卷

晁氏曰晉和凝撰纂史傳決疑獄事其上卷疑書也下中卷疑子蒙所續

天聖編勅三十卷

晁氏曰天聖中宋庠龐籍受詔改修唐令參以今制而成凡二十一門官品一戶二祠三選舉四考課五軍防六衣服七儀制八鹵簿九公式十田十一賦十二倉庫十三廩牧十四關市十五補亡十六疾醫十七獄官十八營繕十九喪葬二十雜比一斷例四卷 元豐新例六卷

晁氏曰皇朝王安石執政以後士大夫頗重意律令此熙豐紹聖中法寺決獄比其六卷則元豐中法寺所斷罪節文也

刑名新例十卷

陳氏曰不著名氏以刑統勅令摠為一書惜猶未備也

嘉祐驛令三卷

陳氏曰三司使梁國張方平安道等修定前一卷為條貫勅後二卷為則例今官吏幫支驛券衙官僉從之類皆據此也

元豐廣案二百卷

晁氏曰皇朝元豐初置新科明法或類其所試成此書

元豐刑部叙法通用一卷

陳氏曰未載申明至紹興淳熙以後

諸路將官通用勅二十卷

晁氏曰皇朝崇寧中修

刑統賦兩卷

晁氏曰皇朝傅霖撰或人為之注

決獄龜鑑二十卷

晁氏曰皇朝鄭克編次五代和凝有疑獄集近時趙全有疑獄

事類皆未詳盡因增廣之依劉向晏子春秋舉其綱要為之

錄分二十門

陳氏曰克因和氏之書分二十門推廣之凡二百七十六條二

百九十五事起鄭子產迄本朝

德心四卷

晁氏曰未詳撰人纂刑統綱要也

宣和軍馬司勅十三卷令一卷

陳氏曰宣和時所修

紹興勅十三卷令五十卷格卅卷式三十卷政和以後赦十五卷

晁氏曰皇朝張守等紹興中被旨編修

紹興刑統申明一卷

陳氏曰開寶以來累朝訂正與刑統並行者

慶元勅十二卷令五十卷格三十卷式三十卷目錄一百二十二卷

隨勅申明十二卷摠二百五十六卷

陳氏曰丞相豫章京鏜仲遠等慶元四年表上國朝自建隆以來世有編敕每脩定號為新書中興至此凡三修矣其有續降旨揮謂之後勅以待它時脩入云

紹興貢舉法五十卷

陳氏曰丞相方侯高等紹興二十六年表上

紹興監學法二十六卷目錄二十五卷申明七卷對修整正條法四卷共六十二卷

陳氏曰宰相秦檜等紹興十三年表上

嘉泰條法事類八十卷

陳氏曰天台謝深甫子肅等嘉泰二年表上初吏部七司有條法總類淳熙新書既成孝宗詔做七司體分門修纂別為一書以事類為名至是以慶元新書修定放降此書便於檢閱引用

惜乎不併及刑統也

嘉定吏部條法總類五十卷

陳氏曰嘉定中以開禧重修七司法并慶元海行法在京通用法大宗正司法參定凡改正四百六十餘條視淳熙總類增多十卷七年二月放行

役法撮要一百八十九卷

陳氏曰提舉編條宰相京鏜等慶元六年上自紹興十七年正月以後至慶元五年七月以前為五十五門又八十二小門門為一卷外為參詳目錄等卷雖多而文甚少其書於州縣差役極便於引用

右法令

文獻通考卷之二百三終

文獻通考卷之二百四

鄱陽馬端臨貴與著

經籍考

史地理

山海經十八卷

晁氏曰大禹製晉郭璞傳漢侍中奉車都尉劉秀校定表言禹別九州而益等類物善惡著此書皆聖賢之遺事古文明著者也六文嘗考之於書有曰長沙零陵雁門皆郡縣名又自載禹鯀似後人因其名參益之

陳氏曰漢侍中奉車都尉臣秀所校秘書書即劉歆也晉郭璞注按唐志二十三卷音二卷今本錫山尤袤延之校定世傳禹益所作其事見吳越春秋曰禹東巡登南岳得金簡玉字通水之理遂行四瀆與益共謀所至使益疏而記之名山海經此其

為說恢誕不與司馬遷曰言九州山川尚書近之矣至禹本紀
山海經所書怪物余不敢言之也可謂名言孰曰多乎故尤
跋明其非禹伯翳所作而以為先秦古書無疑然莫能名其何
人也洪慶善補注楚辭引山海經淮南子以釋天問而朱晦翁
則曰古今說天問者皆本此二書今以文意考之疑此二書本
皆緣解天問而作此可以破千載之惑古今相傳既久姑以冠
地理書之錄

山海圖經十卷

晁氏曰皇朝舒祖等撰雅仕江南韓熙載之門人也後入朝數
預修書之選閩中刊行本或題曰張僧繇畫妄也

水經四十卷

晁氏曰漢桑欽撰欽成帝時人本經二卷後魏酈道元注史稱
道元好學歷覽奇書撰注水經行於世

陳氏曰欽邯鄲書目以為漢人晁氏言成帝時人當有所據按
唐志注或云郭璞撰又杜氏通典按水經晉郭璞注二卷後魏
酈元注四十卷皆不詳所撰者名氏亦不知何代之書佑謂二
子博瞻解釋固應精當然其經云濟水過壽張則前漢壽良縣
光武更名又東北過臨濟則前漢狄縣安帝更名又云河水過
湖陸則前漢湖陵縣章帝更名又云汾水過河東郡永安則前
漢羸縣順帝更名故知順帝以後纂序也詳水經所作殊為詭
誕全無憑據按後漢郡國志濟水王莽末因旱渠塞不復截河
南過統順帝時所撰都不詳悉其餘可知景純注解又甚踈略
亦為迂怪以其僻書人多不覩謂其審正未之精也

十道志十三卷

晁氏曰唐梁載言撰唐分天下為十道所載頗詳博其書多稱
咸通中沿革蓋唐末人也

陳氏曰其書廣記備言頗有可采載言不見於史未定為何朝人此書有大和以後沿革當是唐末人

唐十道圖一卷

陳氏曰唐宰相趙郡太子李吉甫弘憲撰首載州縣摠數文武官員數俸料唐志云十卷今不分卷

元和郡縣志四十卷

陳氏曰李吉甫撰自京兆至隴右凡四十七鎮節首皆有圖今圖不存

太平寰宇志二百卷

晁氏曰皇朝樂史等撰太平興國中盡平諸國天下一統史悉取自古山經地志正訛謬纂成此書上之

陳氏曰其書起自周周于海外

圖經

晁氏曰皇朝李昉撰

九域志十卷

晁氏曰皇朝王存被旨刪定摠二十三改京府四次府十州二百四十二軍二十七監四縣一千一百二十五

陳氏曰存與曾肇李德裕等共刪定名九域志

輿地廣記三十八卷

晁氏曰皇朝歐陽忞纂自堯舜以來至于五代地理沿革離合皆繫以今郡縣名或云無所謂歐陽忞者特假名以行其書耳陳氏曰政和中作其前三卷以今之郡縣系于前代郡國之下其序曰以今州縣求於漢則為郡以漢郡縣求於三代則為州三代之九州散而為漢之六十餘郡又分而為今之三百州雖或離或合不可討究而吾嘗中則已然矣漢郡國一百三今云六十餘郡不可曉也志當是文忠公孫行名皆連心字

春秋地譜十二卷

晁氏曰皇朝楊湜編十三國地皆釋以今州縣名并為圖於其後蓋常氏已嘗有此書而湜增廣焉

洽聞記三卷

晁氏曰唐鄭常撰記郡國舊事故附之地里類

職方機要四十卷

晁氏曰不題撰人姓名序云本新舊八域志上據歷代史旁取左氏水經通典且采舊聞參以小說附亦謬舉真紬成此書其間載政和間事蓋當時人也

地里指掌圖一卷

陳氏曰蜀人稅安禮撰元符中欲上之朝未及而卒書肆所刊皆不著名氏亦頗闕不備此蜀本有治右任慥序言之頗詳

歷代疆域志十卷

陳氏曰臨川布衣貝淵撰

輿地紀勝二百卷

陳氏曰知江寧縣金華王象之撰蓋以諸郡圖經節要略而山川景物碑刻詩詠粗無所遺行在宮闕官寺寔冠其首閩河版圖之未復者猶不與焉眉山李說齋李允為之序

輿地圖十六卷

陳氏曰王象之撰紀勝逐州為卷圖逐路為卷其搜求亦勤至四蜀諸郡尤詳其兄觀之漕夔門時所得也

皇朝方域志二百卷

陳氏曰東陽布衣王希先撰凡前代謂之譜十六譜為八十卷本朝謂之志為一百二十卷譜叙當時事實而注以今之郡縣志述今日疆理而系于古之州國古今參考譜志互見地理學之詳明者無以過此矣嘉熙二年上于朝得永免文解其父珪

本建寧人已未進士試詞科不中頗該洽希先述其遺藁以成此書

六合掌運圖一卷

晁氏曰不著名凡為四十四圖首列禹跡次為中興後南北二境其後則諸邊關險要以及虜地疆界亦著之

燕吳行役記

陳氏曰不著名氏大中九年崔鉉鎮淮南諸鎮畢賀為此記者燕帥張允伸所遺僚佐道中記所經行郡縣道里及事跡也

南行記三卷

晁氏曰王仁祐撰晉天福二年仁祐被命使高季興記自汴至荆南道塗賦詠及飲宴倡酬殆百餘篇

江行錄一卷

陳氏曰真州教授勾穎紹聖二年所序云太守張公所修也張

不著名自真而上直抵荆南自岳而分旁徵衡永自湖口而別

則東入鄱陽南至廬陵程期崇次風雲占候時日吉凶與夫港

派灘磧磯狀莫不具載行江安賴焉

三輔黃圖三卷

晁氏曰按經籍志有黃圖一卷記三輔宮觀陵廟明堂辟雍郊時等即此書也不著撰人姓名其間頗引劉昭漢志然則出於

梁陳間也

陳氏曰按唐志一卷今分上下卷載秦漢間宮室苑囿甚詳多

引用應劭漢書解而如淳顏帥古復引此書為據意漢魏間人

所作然中興書目以為崇文總目及國史志不載疑非本書也

程氏雍錄辨之尤悉

長安志十卷

晁氏曰皇朝宋敏求撰敏求因韋氏所記搜采群臣罔有遺軼

二紀而成凡府縣之政官之職河渠閘塞之類至于風俗物產宮室道街無不詳備世稱其博趙若彥為之序

河南志二十卷

陳氏曰與河南志二書凡例微不同然漢唐舊都遺事詳矣

晁氏曰宋敏求撰以韋述而京記為未備演之為長安河南志司馬光為之序以為考之書記其詳不啻十餘倍開編粲然如指諸掌真博物之書

關中記一卷

陳氏曰晉葛洪稚川撰所載殊簡略

長安圖記一卷

陳氏曰丞相汲公呂大防知永興軍以為正長安故圖著其說於上今信安郡有此圖而別錄其說為一篇

雍錄十卷

陳氏曰吏部尚書新安程大昌泰之撰周秦漢隋唐五代皆都雍故以名錄前史及黃圖志示志異同往往辨訂其辨黃圖有唐縣名且晉灼所引黃圖皆今書所無蓋唐人續成之非見漢事者

游城南記一卷

晁氏曰皇朝張禮撰禮秦奇訪古以抵樊川因次之元記

洛陽伽藍記三卷

晁氏曰元魏羊銜之撰後魏遷都洛陽一時王公大夫多造佛寺或捨其私第為之故僧舍跡甚備

陳氏曰銜之以爾朱之亂城郭丘墟追述斯記

洛陽名園記一卷

晁氏曰皇朝李格非撰記洛中園圃自富鄭公以下十九公其
論以為洛陽之盛衰為天下公卿大夫忘天下治忽欲退享
衰之候則園記之作豈徒然也
此樂得乎唐之末路是也

陳氏曰格非禮部員外郎以
文苑有李易安居士清照者甘
館中亦無有惟錫山尤氏有
肯與編元祐奏章入黨籍國史
女也格非苦心為文而集不傳
文鑑僅存此跋蓋未嘗見其全

集也

東京記

晁氏曰皇朝宋敏求編開封坊巷寺觀官廨私第所在及諸故

實極精博

陳氏曰上卷為宮城周五里唐
之北隅用洛陽官殿之制修之
皇武節度治所建隆三年廣城
中卷為舊城周二十二里一百

五十步唐汴州城也號闕城亦曰裏城下卷為新城周四十八
里二百三十三步周世宗所築羅城也號曰國城又曰外城三
城之內宮殿官府坊巷第宅寺觀營房次第記之

東京夢華錄一卷

陳氏曰稱幽蘭居士孟元老撰元老不知何人少游京師晚值
喪亂之後追述舊事兼及國家典祀里巷風俗以其首載京城
官闕橋道坊曲尤詳故系之地理類

鄴中記一卷

陳氏曰不著名氏記自魏而下及僭偽都鄴者六家宮殿事迹
按唐志有鄴都故事二卷肅代時馬溫所作今書多引之

相臺志十二卷

晁氏曰皇朝韓琦欲編次未成郡守李瑄中郡文學掾陳申之
効宋敏求河南志成此書

晉陽事跡雜記十卷

陳氏曰唐河東節度李璋纂序言十四卷唐志亦同今刪為十卷蓋治平中太原府所刻本也從莆田李氏借錄自南渡以來閔河阻絕圖志泯亡得見一二僅存者猶足以發傷今患古之嘆然唐并州治晉陽太原二縣國初克復徙治陽曲而虛其故城二縣後皆并省則唐之故跡皆不復存矣

臨安志十五卷

陳氏曰府帥吳興周宗彥廣撰首卷為行在所於宮闕殿閣全不記載籍曰禁省嚴秘不敢明著其視宋次道東宮記何其大不侔其他沿革亦多疏略然宗有才具其尹京開湖濬河皆有成緒今城中河道通利民戶為脚船以濟行旅者蓋自此始

吳興雜錄七卷

陳氏曰唐湖州刺史張文規撰末載義興造茶及風物雜

詳文規張薦之後彥遠之子其為郡當會昌三年

吳興紀統十卷

陳氏曰攝湖州長史左文質撰分門別類古事頗詳序稱甲辰歲者本朝景德元年也

吳興志二十卷

陳氏曰樞密院編修郡人談鑰元時撰嘉泰元年也其為書草率未得為盡善

蘇州圖經六卷

陳氏曰翰林學士饒陽李宗諤昌武等撰景德四年詔以四方郡縣所上圖經刊修校定為一千五百六十六卷以大中祥符四年頒下今皆散士館中僅存九十八卷余家所有惟蘇越黃三州刻本耳

吳郡圖經續記三卷

陳氏曰秘書省正字郡人朱長文伯原撰記祥符以後事亦頗補前志之缺遺長文吳中名士病廢不仕自號樂圃卒於元符元年

吳地記一卷

陳氏曰唐陸廣微撰郡人也多記古吳國事唐未有秀州天禧中始割嘉興縣置故此記合二郡為一

吳郡志五十卷

陳氏曰參政郡人范成大至能撰書始成未行而石湖沒有求附見其事而弗得者諱曰此非石湖筆也太守不能決藏其書學官然周益公為范墓碑述所著書自有焉及紹定初桐川李壽朋僑老為守始取而刻之而書止於紹熙其後事實俾客屬用褚少孫史記例補成之趙南塘履常作序訂其為石湖書不疑且謂郡士龔頤正滕成周南皆常薦所聞於公者而龔

鎮江志三十卷

陳氏曰教授天台盧憲字章撰

新定志八卷

陳氏曰郡守東平董弁令弁撰紹興己未也淳熙甲辰武義陳公亮重修

嘉禾志五卷故事一卷

陳氏曰郡守毗陵張元成撰為書曰秘草草

毗陵志十二卷

陳氏曰教授三山鄒補之撰

越州圖經九卷

陳氏曰李宗諤祥符所上也未有秘閣校理李垂邵煥修及覆修名銜然則書成於衆手而宗諤特提摠其凡耳

會稽志二十卷

陳氏曰通判吳興施宿武子郡人馮景中陸子虛宋鼎王度等撰陸放翁爲之序首稱禹會諸侯而以思陵巡守陞府配之氣壯文雅蓋奇作也嘉泰辛酉陸年已七十七矣未幾始落致仕爲史官至八十五歲乃終其筆力老而不衰於此序見之會稽續志八卷

陳氏曰梁國張湜撰續記辛酉後事而亦補前志之遺前志無進士題名此其尤不可遺者也

赤城志四十卷

陳氏曰國子司業郡人陳耆卿壽老撰其前爲圖十有三

赤城續志八卷

陳氏曰郡人吳子良拾其所遺續載之

赤城三志四卷

陳氏曰郡人林表民逢吉撰紹定己丑水壞城修治興築本末

四明志二十一卷

陳氏曰贛州錄事參軍虞慶羅璿修時胡榘仲方尚書爲守璿其鄉人也

明越風物志七卷

晁氏曰皇朝姜嶼撰以明州本越地故曰明越又以郭璞注爾雅多引江東故詳載其風物云

永嘉譜二十四卷

陳氏曰禮部侍郎郡人曹叔遠器遠撰曰年譜地譜名譜人譜時紹熙三年太守宛陵孫榘屬器遠哀集創爲義例如此器遠庚戌進士蓋初第時也

永寧編十五卷

陳氏曰待制郡人陳謙益之撰漢分章安之東甌鄉爲永寧今永嘉四邑是也故以名編時嘉定九年留元剛茂潛爲太守

東陽志十卷

陳氏曰樞密鄱陽洪遵景嚴撰紹興二十四年為通判時所作

括蒼志七志

陳氏曰教授曾貴撰乾道六年太守四明樓璩叔韞

括蒼續志一卷

陳氏曰郡人陳百朋撰

信安志十六卷

陳氏曰教授衛玠撰太守四明劉屋也實嘉定己卯

信安續志二卷

陳氏曰教授葉汝明撰袁甫廣微紹定初也

文獻通考卷之二百四終

文獻通考卷之二百五

番 易 馬 端臨 貴與 著

經籍考

史 地理

建康志十卷

陳氏曰府帥史正志志道撰乾道五年

續建康志十卷

陳氏曰府帥吳璠居父以郡人朱舜庸所編詮次與前志並行

時慶元六年

六朝事迹二卷

南朝宮苑記二卷

陳氏曰不知何人作記六朝故都事迹頗詳

姑孰志五卷

新安志十卷
陳氏曰教授長樂林楠子長撰太守楊愿原仲也寔淳熙五年

秋浦志八卷
陳氏曰通判蕪州郡人羅願撰時淳熙二年太守則趙不悔也

秋浦新志十六卷
陳氏曰太守南昌胡光乾道八年修

陳氏曰三山王伯大幼學以前志缺陋重修時以吏節攝郡事
端平丙申也

甯康志八卷

陳氏曰郡守朱端章撰淳熙十二年

桐汭新志二十卷

陳氏曰教授錢塘趙子直撰紹定五年也太守林棻

豫章職方乘三卷後乘十二卷

陳氏曰郡人洪芻駒父宣和己亥撰乘取晉乘為名後乘淳熙

十一年太守程叔達序

尋陽志十二卷

陳氏曰迪功郎晁百揆元采撰淳熙三年太守開封曹訓為序

宜春志十卷

陳氏曰袁州教授南城童宗說太守李觀民也

宜春傳信錄三卷

晁氏曰皇朝羅誘述載其地古今人物及牧守政迹山川靈異
之跡

袁州孚惠廟錄一卷

晁氏曰皇朝張慈撰記仰山二神靈異之跡

盱江志十卷續十卷

陳氏曰郡守胡舜舉紹興戊寅倅郡人童宗說黃敷忠為之續

志慶元五年三山陳岐修亦郡守也

富川志六卷

陳氏曰軍學教授括蒼潘廷立撰太守趙善宣紹熙四年也軍治末與本富川縣故名

南安志二十卷補遺一卷

陳氏曰太守方崧卿教授許開修

廣陵志十二卷

陳氏曰教授三山鄭少魏江都尉會稽姚一謙撰紹熙元年太守鄭興裔也

楚州圖經二卷

陳氏曰教授雪川吳莘商卿撰太守毗陵錢之望大德時

永陽志三十五卷

陳氏曰滁守林嶠命法曹龔惟蕃修

吳陵志十卷

陳氏曰不著名氏淳熙壬寅所修後三年乙巳太守錢塘萬鍾元亨屬僚佐參正而刻之泰州在唐為吳陵縣

高郵志三卷續修十卷

陳氏曰興化縣主簿孫祖義撰郡守趙不慙刻之淳熙四五年間也其書在圖志中實為疏略嘉定中守汪綱再修稍詳定矣

都梁志八卷續一卷

陳氏曰郡守霍麓教授周之瑞修紹熙元年也續志嘉泰壬戌郡守耿與義序

合肥志四卷

陳氏曰合肥主簿唐錡撰郡守鄭興裔也時淳熙十五年

同安志十卷

陳氏曰毗陵錢紳仲撰宣和五年太守曰曾元禮未幾而有
狄難至紹興十三年太守張彥聲始取而刻之

歷陽志十卷

陳氏曰郡守九華程九萬鵬飛教授天台黃宜達之撰慶元元
年

黃州圖經四卷附錄一卷

陳氏曰李諤祥符所修舊經亦頗有後人附其著郡守李訛又
以近事為附錄焉訛參政邠漢老之子也

齊安志二十卷

陳氏曰郡守呂昭問俾教授厲居正重修慶元己未也

濠梁志三卷

陳氏曰永嘉張季樗撰時嘉泰初元

無為志三卷

陳氏曰教授宋宜之撰太守柴瑾為之序

襄陽志四十卷郡守胸山高夔命教授吳興劉宗慎官上蔡任汝編

纂為書既詳備而刊刻亦精緻圖志之佳者

襄沔記三卷

陳氏曰唐吳從政撰刪宗慄荆楚歲時記盛弘之荆州記鄒閱
甫楚國先賢傳習鑿齒襄陽耆舊傳郭仲產襄陽記鮑堅南雍
州記集成此書其記襄漢事跡詳矣景龍中人自號栖閑子

渚宮舊事十卷

晁氏曰唐知古撰自梁南熊至唐江陵君臣人物事迹史氏傳記
所載者悉編次之

房州圖志三卷

陳氏曰郡守毗陵陳宇撰

義陽志八卷

陳氏曰郡守河南閔良臣撰紹熙二年也信陽軍唐申州所謂申光蔡吳元濟所據竭天下之力以取之者

長沙志五十二卷續志十一卷

陳氏曰郡守趙善俊以紹熙二年命教授褚孝錫等七人撰時止齋持漕相與考訂商略故序言當與長樂志並也續志不著名氏錄紹熙以後事

長沙風土碑一卷

陳氏曰唐潭州刺史河南張謂撰前有碑銘後有湘中記載跡七十件

衡州圖經三卷

陳氏曰郡守三山孫德輿行之撰嘉定戊寅刻

零陵志十卷

陳氏曰郡守徐自明嘉定己卯重修

零陵記十五卷

晁氏曰皇朝陶岳撰永州地理志也今永州所部方三縣其所錄多連及數郡自序云以其皆零陵舊地故收之

春陵圖志十卷

陳氏曰教授臨江章頴茂憲撰淳熙六年太守趙汝誼

九疑考古二卷

陳氏曰道州崇道主簿吳致堯格甫撰取春陵志所紀而為詩以紀之宣和甲辰序

清湘志六卷

陳氏曰郡守永嘉陳峴壽南俾教授林瀛修嘉泰二年也

武昌志三十卷

陳氏曰郡守括蒼王信成之命教授許中應等撰

武昌土俗編二卷

陳氏曰武昌令永嘉薛季宣撰記一縣之事頗詳紹興辛巳壬午間也其邑今爲壽昌軍

鄭城志十二卷

陳氏曰教授傅岩撰慶元戊午太守李楫

岳陽志甲二卷乙三卷

陳氏曰甲集建安馬子嚴莊父乙集永嘉張聲道聲之所修皆郡守也

岳陽風土記一卷

陳氏曰宣德郎監商稅務建安范致明晦叔撰元符進士第二人仕至次對其在岳蓋謫官也

辰州風土記六卷

陳氏曰教授縉雲田胃伯清撰隆興二年郡守徐彭年

成都古今記三十卷

晁氏曰皇朝趙抃編抃自慶曆至熙寧九四入蜀知蜀事爲詳撫其故實以類相從分百餘門時熙寧七年

續成都古今集記二十二卷

陳氏曰知府事王剛中居正撰紹興三十年余嘗手寫洛陽名園記而題其後曰晉王右軍聞成都府有漢時講堂秦時城也池門屋樓觀慨然遠想欲一遊目其與周益州帖蓋數致意焉近時呂太史有感於宗少文卧遊之語凡昔人紀載入境之勝錄爲一編其奉祠臺社也自以爲誰沛真源恍然在目而究之太極蒿之崇福華之雲臺皆將卧遊之噫嘻弧矢四方之志高人達士之懷古今一也顧南北分裂蜀在境內雖遠慮不往爾往則至矣毫克嵩華視蜀猶邇封也欲往其可得乎然則太史之情其可悲也已余近得此記手寫一通與東京記長安河南志

陳氏曰武昌令永嘉薛季宣撰記一縣之事頗詳紹興辛巳壬午間也其邑今爲壽昌軍

鄭城志十二卷

陳氏曰教授傅岩撰慶元戊午太守李楫

岳陽志甲二卷乙三卷

陳氏曰甲集建安馬子嚴莊父乙集永嘉張聲道聲之所修皆郡守也

岳陽風土記一卷

陳氏曰宣德郎監商稅務建安范致明晦叔撰元符進士第二人仕至次對其在岳蓋謫官也

辰州風土記六卷

陳氏曰教授縉雲田渭伯清撰隆興二年郡守徐彭年

成都古今記三十卷

晁氏曰皇朝趙抃編抃自慶曆至熙寧九四入蜀知蜀事爲詳撫其故實以類相從分百餘門時熙寧七年

續成都古今集記二十二卷

陳氏曰知府事王剛中居正撰紹興三十年余嘗手寫洛陽名園記而題其後曰晉王右軍聞成都府有漢時講堂秦時城也池門屋樓觀慨然遠想欲一遊目其與周益州帖蓋致意焉

近時呂太史有感於宗少文卧遊之語凡昔人紀載入境之勝錄爲一編其奉祠臺社也自以爲誰沛真源恍然在目而究之太極嵩之崇福華之雲臺皆將卧遊之噫嘻弘矢四方之志高人

達士之懷古今一也顧南北分裂蜀在境內雖遠慮不往爾往則至矣毫亮嵩華視蜀猶邇封也欲往其可得乎然則太史之情其可悲也已余近得此記手寫一通與東京記長安河南志

夢華錄諸書並藏而時自覽焉是亦卧遊之意云耳于時歲在

已丑蜀故無恙也後七年而有虜禍秦漢故迹焚蕩無遺今其
可見者惟此一記耳而板本亦不可復得矣嗚呼悲夫

劍南須知十卷

巽若李氏曰宋如愚撰第一第二卷但編集舊史并取或不倫
第三第四第五第六九四卷盡出唐樊綽變書第七卷以下乃
如愚自爲之文及所畫計策耳如熙寧買馬事誠西南要害異
時或可補國史之闕云如愚眉山入游場屋有俊聲不第以死
亦可哀者

蜀記一卷

晁氏曰皇朝張守約撰載孟昶初降至薨事

蜀記二卷

陳氏曰唐鄭暉撰雜記蜀事人物古跡寺觀之屬未詳何人

漢益志十卷

晁氏曰皇朝任弁撰天禧中游宦于成都以蜀記數家其言皆
無據乃引書傳刊正其謬自爲序

蜀三神祠碑文五卷

晁氏曰皇朝并虔編任四川漕日裒梓潼灌口射洪三神祠碑
文板記成此書

嘉州志二卷

晁氏曰皇朝呂昌明以嘉州圖經增廣之

長樂志四十卷

陳氏曰府帥清源梁克家叔子淳熙九年序求嘉陳傳良君舉
通判州事大略皆出其手

閩中記十卷

陳氏曰唐林諳撰本朝慶曆中有林世程者重修其兄世矩作
序諳郡人養高不仕當大中時世程亦郡人也其言求嘉之亂

中原仕族林黃陳鄭四姓先入閩可以證閩人皆稱光州固始之妾

建安志二十四卷續志一卷

陳氏曰刪定官郡人林光撰慶元四年郡守永嘉張叔椿俸僚屬成之續志嘉定十二年府學士人所錄

清源志七卷

陳氏曰通判州事永嘉戴溪肖望撰時慶元己未太守信安劉穎延平志十卷

陳氏曰郡守新安胡舜舉汝士與郡人廖拱廖挺哀集時紹興庚辰也序言與盱江志並行蓋其為建昌守亦嘗修圖志

清漳新志十卷

陳氏曰司理參軍方杰撰嘉定六年太守趙汝諧蹈中也

鄞江志八卷

陳氏曰郡守古靈陳暉日華俾昭武士人李臯為之時慶元戊午郡有鄞江溪故名

甯陽志十五卷

陳氏曰郡守趙彥勵懋訓紹興二年集郡士為之

武陽志十卷

陳氏曰教授葛元隲撰太守廖遜元達乾道六年也

晉江海物異名記三卷

陳氏曰秘書監莆田陳致雍撰致雍仕偽閩南唐後歸朝

廣州圖經二卷

陳氏曰教授王中行撰

南越志七卷

陳氏曰宋武康令吳興沈懷遠撰此五嶺諸書之最先在前者也懷遠懷充之弟見宋書

番禺雜記一卷

陳氏曰攝南海主簿鄭能撰國初人也莆田借李氏本錄之蓋承平時舊書亦有河南少尹家藏六字不知何人也
番禺紀異五卷

晁氏曰宋馮拯撰拯淳化中謫知端州見嶺表鳥獸草木民俗物情舉異中原錄之為二十門凡三百事還朝上之

北戶雜記三卷

陳氏曰唐萬年縣尉段公路撰鄒平公之孫鄒正之昌也

桂林志一卷

陳氏曰靜江教授江文叔編時乾道五年張維為帥撰次疏略刊刻草率亦不分卷次

桂林風土記一卷

陳氏曰唐融州刺史權知春州莫休符撰昭宗光化二年也

桂林虞衡志二卷

陳氏曰府帥吳郡范成大至能撰范自桂移蜀道中追記昔游高涼志七卷

陳氏曰教授莆田劉棠撰太守春陵義太初嘉泰壬戌也

南行錄一卷

陳氏曰唐房千里撰太和中謫高州既北歸編山川物產之奇人民風俗之異為此書一名投荒雜錄

嶺表異錄三卷

陳氏曰唐廣州司馬劉恂撰昭宗時人

邕管雜記一卷

陳氏曰庫部員外郎范旻撰國初宰相質之子嶺南初平旻知邕州

嶺外代卷十卷

陳氏曰永嘉周去非直夫撰去非癸未進士至郡倅所記皆廣西事

南方草木狀一卷

陳氏曰晉襄陽太守嵇含撰

黃岩志十六卷

陳氏曰知縣永嘉蔡範南撰嘉定甲申

旌川志八卷

陳氏曰知旌德縣歷陽李瞻伯山撰紹熙三年謝昌國為序

涇川志十三卷

陳氏曰知涇縣濡湏王林叔永撰嘉定癸酉趙南塘序之初縣

歲有水患庚午冬叔永改卜於舊治之東二里曰留村

新吳志二卷

陳氏曰知奉新縣盱江張國琦維之撰新吳縣舊名嘉定甲戌

樂清志十卷

陳氏曰縣令信安袁采君載撰

脩水志十卷

陳氏曰分寧宰徐筠撰

連川志十卷

陳氏曰知連江縣豫章陶武克之撰嘉定乙亥

文獻通考卷二百五

文獻通考卷之二百六

經籍考

史地里 時令

番陽馬端臨貴與著

歷代宮殿名一卷

陳氏曰翰林承旨李昉等纂歷代及僭偽宮殿門闕樓觀園苑池館名無不畢錄

五岳諸山記一卷

陳氏曰無名氏多鄙誕不經

王屋山記一卷

陳氏曰唐乾符三年道士李歸一撰

華山記一卷

陳氏曰不知名氏

西湖古跡事實一卷

陳氏曰錢塘進士傅牧撰以揚蟠百詠增廣共為一百八十三目紹興壬午序

青城山記一卷

晁氏曰偽蜀道士杜光庭撰集蜀山若水在青城者悉本道家方士之言

峨眉志三卷

晁氏曰皇朝張開撰峨眉山名也隋開皇十三年以名其邑詩勝冠三蜀郡守呂勤命開考圖經及傳記石刻綴緝成書所為十四門宋白昇中復詩文附于後

茅山記一卷

陳氏曰嘉祐六年句容令陳倩修

濮阜山記一卷

陳氏曰葛洪撰其山在豫章

豫章西山記一卷

陳氏曰贊皇李上文撰嘉祐丁酉歲

玉笥山記一卷

陳氏曰唐道士令狐見堯撰山在新淦別本又有南唐及本朝事後人所益也

湘中山水記三卷

晉朱陽羅含君章撰范陽盧拯注其書頗及隋唐以後事則亦後人附益也

天台山記一卷

陳氏曰唐道士徐靈府撰元和中人也余假守臨海就使本道嘉熙丙申十月解郡符趨會稽治所道過之銳欲往遊會大雪不果改轍由驛道至今以為恨偶見此記錄之以寄卧遊之意

顧渚山記一卷

陳氏曰唐陸羽鴻漸撰鄉邦不貢茶久矣遺跡未必存也

廬山記五卷

晁氏曰皇朝陳令舉舜俞撰先是劉煥嘗為記令舉因而增廣之又為俯視圖紀尋山先後之次云

續廬山記四卷

陳氏曰劉煥凝之李常公擇比皆為之序今舉熙寧中謫居所作

九華拾遺一卷

陳氏曰山居劉放至和二年自序曰勝天章作新錄於前沈太守撰摠錄於後博考傳聞復得三十餘節

九華摠錄十八卷

陳氏曰邑人程太古撰東集諸家所記萃為一編也

武夷山記一卷

陳氏曰杜光庭撰

霍山記一卷

陳氏曰知循州林湏撰山在循州境內

羅浮山記一卷

陳氏曰廬陵郭之美撰皇祐辛卯序

鴈山行記一卷

陳氏曰永嘉陳謙撰嘉定己巳游山直至絕頂得所謂鴈蕩者前人蓋未之識也然繼其後者亦未有聞焉

廬山紀遊一卷

陳氏曰開封孫惟信季著撰嘗大雪登山至絕頂盡得其景物之詳嘉定初年也惟信能為詩詞善談諠蓋嘗有官弃去不仕自號花翁遊江湖間人多愛之

何氏山莊次序本末一卷

陳氏曰尚書崇仁何異同叔撰其別墅曰三山小隱三山者浮石山岩石玲瓏山其實一也周回数里叙其景物序為此篇自號月湖標韻清絕如神仙中人膺高壽而終其山間今蕪廢矣

湘江論一卷

陳氏曰太常博士潘洞撰

海濤志一卷

陳氏曰唐實叔蒙撰

太虛潮論一卷

陳氏曰永泰縣令錢栖業述末稱天祐六年

海潮圖論一卷

陳氏曰龍圖閣學士燕肅撰進

潮說一卷

陳氏曰知錢塘縣張尹房撰凡三篇

西南備邊錄十三卷

巽岩李氏曰唐李德裕撰今特存其第一卷而崇文摠目亦止載一卷豈嘉祐以前已亡逸乎德裕之深謀遠慮雖至今可用也而所存止此可惜哉

西南備邊志十二卷

陳氏曰嘉州進士鄧嘉猷撰紹興末犍為有蠻擾邊初莫知其何種族也已而有能別識其為虛恨蠻者時蜀邊久無事既去而朝廷憂之詔有司經度嘉猷取秦漢以來訖于本朝九史傳所載蠻事皆著于篇時乾道中也其為志九為圖一

北邊備對六卷

陳氏曰程大昌撰淳熙中進禹貢圖孝廟因以北虜地里為問對以虜無定居無文史不敢強言紹熙退居追采自古中華北

狄樞紐相關者條列其地而推言之名曰備對

南北攻守類考六十三卷

陳氏曰監進奏院趙善譽撰進以三國六朝攻守之變鑒古事以考今地每事為之圖

海外使程廣記三卷

陳氏曰南唐如京使章僚撰使高麗所記海道及其國山川事跡物產甚詳史虛白為作序己未十月蓋本朝開國前一歲也

大唐西域記十二卷

陳氏曰唐三藏法師玄奘譯大摠持寺僧辨機撰

兩詔錄三卷

陳氏曰唐嶺南節度巡官徐雲虔撰乾符中邕州遣雲虔使南詔所作上卷記山川風俗後二卷紀行及使事

至道雲南錄三卷

陳氏曰左侍禁知興化軍辛怡顯撰李順之亂餘黨有散入蠻中者怡顯往招安之繼馳賜蠻酋告勅而歸遂為此錄天禧四年自序或云此書妄也余在莆田視壁記無怡顯名字恐或然

契丹疆宇圖一卷

陳氏曰不著名氏錄契丹諸夷地及中國所失地

遼四京記一卷

陳氏曰亦無名氏曰東京中京上京燕京

高麗圖經四十卷

陳氏曰奉議郎徐兢明叔撰宣和六年路允迪傳墨卿使高麗競為之屬歸上此書物圖其形事為之說今所刊不復有圖矣競鉉之後善篆書亦能畫嘗自題保大驕省世家宣和書學博士又自號自信居士

諸蕃志二卷

陳氏曰福建提舉市舶趙汝适記諸蕃國及物貨所出

右地里

夏小正傳四卷

陳氏曰漢戴德傳給事中山陰傳崧卿注此書本在大戴禮鄭玄注禮運夏時曰夏四時之書也其存者有小正後人以大戴禮抄出別行崧卿以正文與傳相雜倣左氏經傳列正文其前時附以傳且為之注

荆楚歲時記四卷

晁氏曰梁宗慄撰其序云傳玄之朝會杜篤之上巳安仁秋興之叙君道娛蜡之述其屬辭則已洽其比事則未弘率為小說以錄荆楚歲時風物故事自元日至除日凡二十餘事

錦帶一卷

陳氏曰梁元帝撰此事儷語在法帖中章草月儀之類也

玉燭寶典十二卷

陳氏曰隋著作郎博陵杜臺卿少山撰以月令為主觸類而廣之博采諸書旁及時俗月為一卷頗號詳洽開皇中所上

歲華紀麗四卷

晁氏曰唐韓諤撰分四時十二月節序以事實為偶儷之句附著之

陳氏曰其書采經子史傳歲時事類聚而以儷語問之

保生月錄一卷

晁氏曰唐韋行規撰分十二月雜記每月攝養種藝祈禳之術李翱為之序

金谷園記一卷

陳氏曰題李邕撰館閣書目云唐中散大夫按邕字泰和江都人至北海太守世號李北海其父善注文選者也中散大夫唐

文敬階本傳不載不知書目別何所據唐世不應有兩李邕也
秦中歲時記一卷

陳氏曰唐膳部郎中趙郡李綽撰綽別未見此據中興書目云
耳其序曰緬思庚子之歲荐周戊辰之年庚子唐廣明元年戊
辰梁開平二年也又曰偶記昔年皇居舊事絕筆自嘆橫襟出
涕然則唐之舊臣國亡之後感傷疇昔而為此書也按朱藏一
紺珠集曾端伯類說載此書有杏園探花使端午扇市歲除儺
公儺母及太和八年無名子詩數事今皆無之豈別一書乎

咸鎬故事一卷

陳氏曰韋慎微撰其書與前大同小異竟不知何人作也未卷
却有神鬼大者號儺公母一語按館閣書目秦中歲時記一名

咸鎬歲時記

輦下歲時記一卷

晁氏曰唐李綽撰綽經黃巢之亂避地蠻隅偶記秦地盛事傳
之晚學

千金月令三卷

陳氏曰唐孫思邈撰

國朝時令十二卷

晁氏曰皇朝賈昌朝撰景祐初復禮記舊文其唐月令別行三
年詔昌朝與丁度李淑采國朝律歷典禮百度昏曉中星祠祀
配侑歲時施行約唐月令定為時令一卷以備宣讀後昌朝注
為十二卷奏上頒行

陳氏曰唐因禮記舊文增損為禮記首篇天寶中改名時令景
祐初始命復禮記舊文其唐之時令別為一篇遂命禮院修書
官丁度等約唐時令撰定為國朝時令以便宣讀蓋自唐以來
有明堂讀時令之禮也及昌朝解相印治郡五臣皆已淪沒乃

系經史諸書及祖宗詔令典式為之集解而上之

兩朝藝文志詔因入閣讀時令問禮官五月朔日夏至百官入閣可否皆曰五月朔朝會各處舊制雖是大祠比冬至圓丘禮成受賀在質明後無熯然據易象月令及蔡邕有閑閑靜事不賀之說鄭康成據樂緯春秋之說夏至有前殿從八能作樂後漢嘗行其儀入閣讀令既屬嘉禮在朔與假本無所礙惟夏至則於經義有妨移用七月朔又罷寶元二年宋庠論入閣之非兩制議入閣者是唐朝隻日紫宸殿受常朝儀若隔日行禮頗為煩况今殿宇與舊不同乃止慶曆七年復詔來年四月一日讀時令禮院約定議注以通世參用唐宣政殿朔望朝參儀草定御文德殿皇帝服靴袍百官公服減正仗半不設樂尋停皇祐初又詔立真讀時令禮官即必請四時皆讀然亦不果

歲時雜詠

續歲時雜詠

宣獻公宋公孫剛叔撰濟北晁無咎補之作序曰余元豐六年六月遇公於京師公叔言宋氏歲時雜詠者蓋宣獻公所集唐以前詩人之作髣髴具在公叔曰夫天地變化其情至微有可道以辭者四時之間氣候物色俯仰輒異使一人言之雖其巧如簧恐不得與造物者爭功於是雜衆言而觀之不亦可乎宋氏故多賢而宣獻之孫曰剛叔尤篤志於學不愧其先人又嘗集宋詩人之所為為續歲時雜詠以成其祖之意蓋若平篇且詩之作患言不能稱物者以得之偏也嘗試丹青衆言憑几肆目於方尺之間而四時氣候物色慘舒榮槁所以過乎吾前者每觀每異其致亦足樂也因以其集屬補之為序補之復於公叔曰詩之亡久矣幽詩七月其記日月星辰風雨霜露草木鳥獸之事盛矣屈原宋玉為離騷最近於詩而所以託物引類其感在四時可以慷慨而太息想見其忠潔剛叔於宋詩所取若此

其亦有得於昔人之意乎宋有天下百年而詩之作中間尤盛
蓋叔之所取小大咸備今觀其錄一時顯人用是名世其尤宏
傑者雖以旁礴天地呼吸陰陽而成歲功可也其下者亦因所
長而傳猶之一氣候至生者皆作灼然而華嚶然而鳴以謂天
地之巧盡此矣

歲時雜記二卷

陳氏曰侍講東萊呂希哲原明撰希哲正獻公公著之子曰棨
陽公在歷陽時與子孫講誦遇節日則休學者雜記風俗之舊
然後圍坐飲酒以為樂又而成編承平舊事猶有考焉

周平園序曰本朝承平歲久斯民安生樂業凡遇節物隨時制
宜雖有古有今或雅或鄙所在不同然上而朝廷次而郡國下
逮民庶靡不熙洽未嘗虛度則一也侍講呂公當全盛時食相
門之德既目擊舊禮又身歷外官四方風俗皆得周知追記于
冊殆無遺者惟上元一門多至五十餘條百年積累之盛故家
文獻之餘茲可推矣慶元戊午秋公之玄孫仙遊邑大夫祖平
以示平園老叟周某竊有生晚不及見之歎云

右時令

文獻通考卷之二百七

經籍考

史譜牒 目錄

姓源韻譜一卷

陳氏曰唐張九齡撰依春秋正典柳氏萬姓錄世本圖摺摺諸書纂為此譜分四聲以便尋閱古者賜姓別之黃帝之子得姓者十四人是也後世賜姓合之漢高帝命婁欽項伯為劉氏是也唯其別之也則離析故古者論姓氏推其本同惟其合之也則亂故後世論姓氏識其本異自五胡亂華百宗蕩析夷夏之裔與夫冠冕與臺之子孫混為一區不可遽知此周齊以來譜牒之學所以貴于世也歟

元和姓纂十一卷

中四百十九

文獻通考卷二百六

晁氏曰唐林寶撰元和中封關其於諸家姓氏為太原其人乃言非本郡憲宗令宰相命寶纂諸家姓氏李氏時各依四聲類集每韻之內則以大姓為首

陳氏曰元和中朔方別帥天水關某者封邑太原以為言上謂宰相李吉甫曰有司之誤不可再也宜使儒生條其源系考其郡望子孫職任並摠緝之每加爵邑則令閱視吉甫以命寶二十旬而成此書絕無善本頃在莆田以數本參校僅得七八後又得蜀本校之互有得失然粗完正矣

李氏皇室維城錄一卷

陳氏曰屯田郎中李衢沔王長史林贊修止於僖宗蓋昭宗時所錄也

李氏房從譜一卷

陳氏曰唐洛陽主簿李匡文撰唐世圖譜官

聖唐偕日譜一卷

陳氏曰前賀州刺史李匡文撰序言前守職圖籍日撰天潢源派譜統務在省略直取相承一葉旁附首分諸房今特從聖唐以來列聖下諸王公主逐帝書號曰偕日與日齊行之義也匡文字濟翁又有資暇集見于錄

唐宰相甲族一卷

陳氏曰唐韋述蕭穎士等撰自王方慶而下十有四家

唐相門甲族諸郡氏譜共一卷

陳氏曰不著名氏甲族八十六家氏譜自京兆八姓而下凡三百五十姓

唐杜氏家譜一卷

陳氏曰唐太子賓客杜信撰

唐鮮于氏卓絕譜一卷

唐鮮于氏卓絕譜一卷

晁氏曰唐喬琳撰藝文志有其目

天下郡望氏族譜一卷

陳氏曰唐李林甫等天寶八年所纂并附五音于後

姓苑二卷

陳氏曰不著名氏古有何承天姓苑今此以李為卷首當是唐人所為

姓解三卷

陳氏曰鴈門邵思撰以偏旁字類為一百七十門二千五百六十八氏景祐二年序

千姓編一卷

陳氏曰不著名氏末云嘉祐八年采真子記以姓苑姓源等書撮取千姓以四字為句每字為一姓題曰千姓編三字亦三姓也逐句文義亦頗相屬殆千字文之比云

陳郡袁氏譜一卷

陳氏曰袁陟世弼錄

陶氏譜一卷

陳氏曰懷州教授陶直夫錄仇之後也

帝王系譜一卷

陳氏曰武夷吳達公路撰政和壬子也自漢迄周顯德每代略具數語其論曹操迫脅君后無復禮節已顯會其病死故篡竊之惡漏在身後昔人謂其不取危漢者亦不覈其情耳此論與愚意相合

群史姓纂韻譜六卷

陳氏曰永福黃邦先宗顯撰凡史傳所有姓氏皆有韻聚而著其所出建炎元年其兄邦俊宋英為之序

古今姓氏言辨證四十卷

陳氏曰校書郎史館校勘臨川聲名世元亞撰其子椿年緒成之
皇朝百族譜四卷

陳氏曰長沙丁維臯撰周益公爲之序時紹興末也僅得百二
十有三家其闕遺尚多未有能續哀集者

周平園序曰君子之著書也有心於勸戒而無意於好惡然後
可以施當今而傳來裔昔者世系之學蓋嘗盛矣姓有死官有
譜氏族有志朝廷以是定流品士大夫以是通昏姻然行之一
時其弊有不勝言者何也好惡善之也是故進新門則退舊望右膏
梁則左寒賤進而右者以爲榮榮則夸夸則必侈退而左者以
爲辱辱則怒怒則必怨以侈臨怨則生乎其時者悉力以逞憾
出乎其後者貪名以自欺此正倫所以鑿於仁義府所以陷不
辜而無知如些 知者所以流涕於向父之墓而不耻也長沙丁
公維臯宿學者耆儒慨然以譜牒爲仁未有聞而不求求而不得

得而不錄也日哀月聚殆且百家而又推其源流條其派別自
微以至著由遠以及近疏戚窮達可指諸掌如嘗從其父兄而
友其子弟也如與之同鄉黨而接姻婭也不亦博而知要也哉
維臯不鄙謂予使序其首予曰書不待序也然維臯之意不可
以不明蓋世臣巨室則必書讀者可以知先烈之有貽而思保
其闕闕也方輿未艾則必書讀者可以知將相之無種而思大
其門閭也至於四姓小侯重茵疊袞則知無兩漢敗亡之禍勳
臣勞舊傳龜龍襲紫則知無三世道家之忌上以彰國朝人物之
盛下以爲子孫昭穆之辨向所謂有心於勸戒而無意於好惡
者不在茲乎他日其得益多其編益詳上之太史傳之薦紳予
亦將乞其副而寓目焉對千客而不犯一人之諱或可勉也

容齋洪氏隨筆曰姓氏之書大抵多謬誤如唐貞觀氏族志今
已忘其本元和姓纂纂錄最多國朝所修姓源韻譜又爲可笑

姑以洪氏一項考之云五代時有洪昌洪景皆為參知政事予按此二人乃五代南漢僭主劉龔之子及晟嗣位用為知政事其兄弟本連弘字以本朝國諱故五代史追改之元非姓洪氏也此與洪慶善序丹陽弘氏云有弘憲者元和四年嘗跋輞川圖不知弘憲乃李吉甫之字耳其誤正同

闕里世系一卷

晁氏曰皇朝孔宗翰修孔子家譜也唐藝文志有孔子系葉傳今亡其家所藏譜雖曰古本止叙承襲者一人故多踈略宗翰元豐末知洪州刊系續紹興中端朝者續之止於四十九代洪與祖又以史記并孔光孔僖傳及太子賢注與宰相世系諸家校正且作年譜列于卷首

史氏譜一卷

陳氏曰奉直大夫米憲錄蓋國初勲臣米信之後信五世為帝

元章又三世為憲

右譜牒

唐藝文志四卷

陳氏曰新唐書中錄出別行監中有印本

吳氏西齋書目一卷

晁氏曰唐吳兢錄其家藏書凡一萬三千四百六十八卷兢自撰書附于正史之末又有續抄書列于後

文選著作人名三卷

晁氏曰唐常寶鼎撰纂文選所集文章著作人姓氏爵里行事及其著作之意

十三代史目三卷

晁氏曰唐殷仲茂撰輯史記兩漢三國晉宋齊梁陳後魏北齊周隋史籍補次名氏國朝杜鎬以唐五代書目續之

崇文摠目六十四卷

晁氏曰皇朝王堯臣等撰書刊正訛謬條次之凡四十六類計三萬六百六十九卷康定三年景祐中詔張觀李若谷宋庠取昭文史館集賢秘閣書成堯臣及提舉官聶冠卿郭稹加階邑編修官呂公綽王洙乃約歐陽脩楊儀陳經各進秩有差國史謂書錄自劉向至毋昃所著皆不存由是古書難考故此書多所謬誤

陳氏曰時撰定諸儒皆有論議歐公文集頗見數條今此惟六十六卷之目耳題云紹興改定

夾漈鄭氏曰崇文摠目衆手爲之其間有兩類極有條理古人不及後來無以復加也道書一類有九節九節相屬而無雜揉又雜史一類雖不標別然分上下二卷即爲二家不勝冗濫及觀崇文九節正所謂大熱而濯以清風也雜史一家隋唐二志

皆不成條理今觀崇文之作賢於二志遠矣此一類往往是一手所編惜乎當時不盡以其書屬之也

又曰崇文摠目出新意每書之下必著說焉據標類自見何用更爲之說且爲之說也已自繁矣何用一一說焉至於無說者或後書與前書不殊者則強爲之說使人意怠且太平廣記者乃太平御覽別出廣記一書專記異事奈何崇文之目所說不及此意但以謂博采詳書以類分門凡是類書皆可博採群書以類分門不知御覽之與廣記又何異崇文所釋大槩如此舉此一條可見其他

大宋史館書目一卷

晁氏曰皇朝史館書摠計一萬五千一百四十二卷

邯鄲圖書志十卷

晁氏曰皇朝李淑獻臣撰淑若谷之子也載其家所藏圖書五

十七類經史子集通計一千八百二十六部二萬三千一百八十六卷其外又有藝術志道書志書志畫志通為八目

陳氏曰號圖書十志皇祐己丑自作序以示子孫曰朋圭芻者其子壽朋復圭德芻也

成都刻石總目三帙

晁氏皇朝劉涇撰元祐中蔡京帥成都以意授涇纂府縣碑板幢柱自東漢初平迄偽蜀廣政凡二百六十八

田氏書目六卷

晁氏曰皇朝田鎬撰田偉居荆南家藏書三萬卷鎬偉之子也因成此目元祐中袁默為之序

群書備檢十卷

晁氏曰未詳撰人輯易書詩左氏公羊穀梁二禮論語孟子荀子揚子文中子史記兩漢晉宋齊梁陳後周北齊隋新舊唐五

代史書以備檢閱

秘書省四庫闕書目一卷

陳氏曰亦紹興改定其闕者注闕字於逐書之下

集古錄跋尾十卷

陳氏曰歐陽脩撰編述之意序文訂之世所共知不復著

集古目錄二十卷

陳氏曰公子禮部郎官裴叔弼撰公既為跋尾二百九十六篇命裴掇其大要別為目錄裴之序云爾今改集中凡三百五十二餘跋

歐公親書集古錄跋六卷

廬陵所列凡二百五十篇視集中闕七之二

太宗御製御書目一卷

陳氏曰玉宸殿所藏燕有真宗御製序十四篇又本稍多而無

序文

真宗御製碑頌石本目錄一卷

陳氏曰凡九十名件乾興所刊板

龍圖閣瑞物寶目六閣書籍圖畫目共一卷

正宸殿書畫附

陳氏曰已上平江虎丘寺御書閣有元頒降印本傳焉得之

京兆金石錄六卷

陳氏曰北平田槩纂元豐五年王欽臣為序自為後序皆記京兆府縣古碑所在覽之使人慨然

金石錄三十卷

陳氏曰東武趙明誠德甫撰其所藏二千卷蓋倣歐陽集古而數則倍之本朝諸家書古器物款識其考訂詳洽如劉原父呂與叔黃長睿多美大抵好附會古人名字如丁字即以為祖丁舉字即以為伍舉方鼎即以為子產仲吉匜即以為偃姑之類

遂古以來人之生世夥矣而僅見於簡冊者幾何器物之用於人亦夥矣而僅存於今世者幾何迺以其姓字名物之偶同而實焉余嘗竊笑之惟其傳會之過併與其詳洽者皆不足取信矣惟此書跋尾獨不然好古之通人也明誠宰相挺之之子其妻易安居士李氏為作後序頗可觀

廣川藏書志二十六卷

書跋十卷

畫跋五卷

陳氏曰徽猷閣待制東平董道彥遠撰以其家藏書考其本末而為之論說及於諸子而止蓋其本意專為經設也

寶墨待訪錄二卷

陳氏曰禮部侍郎襄陽米芾元章撰記承平時故家所藏晉唐遺迹

群書會記三十六卷

陳氏曰鄭樵撰大略世間所有之書非必其家嘗有之也

夾漈書目一卷 圖書志一卷

陳氏曰鄭樵記其平生所自著之書志者蓋述其著作之意也
集古系時錄十卷 系地錄十一卷

陳氏曰鄭樵撰大抵因集古之書詳考其時與地而系之二書
相為表裏

秦氏書目一卷

陳氏曰濡須秦氏元祐二年有為金部員外郎者闡于朝請以宅
舍及文籍不許子孫分割

藏六堂書目一卷

陳氏曰莆田李氏云唐江王之後有某藏書命其藏書目承平
時今浸以散逸矣

吳氏書目一卷

陳氏曰奉議郎漳浦吳與可權家藏書目未經兵火故其書

多完具然地濕苦蟲損

晁氏讀書志二十卷

陳氏曰昭德晁公武子止撰其序言得南陽公書五十篋合具
家舊藏得二萬四千五百卷其守蔡州日夕鏘校每終篇輒論
其大指時紹興二十一年也其所發明有足觀者南陽公未知
何人或云开度惠孟也未詳

遂初堂書目一卷

陳氏曰錫山尤氏尚書袁延之淳熙名臣藏書至多法書尤富
嘗燼於火今其存亡幾矣

誠齋序略曰延之於書靡不觀觀書靡不記每公退則閉戶謝

客曰計手抄若干古書其子弟及諸女亦抄書一日謂予曰吾

所抄書今若干卷將彙而目之飢讀之以當肉寒讀之以當裘

孤寂而讀之以當友朋幽憂而讀之以當金石琴瑟也乃屬予

序其書目余記序之將借而傳焉

中興館閣書目三十卷

陳氏曰秘書監臨海陳騏叔進等撰淳熙五年上之中興以來庶事草創罔羅遺逸中秘所藏視前世獨無歟焉殆且過之大凡著錄四萬四千四百八十六卷蓋亦盛矣其間考究疏謬亦不免

館閣續書目三十卷

陳氏曰秘書丞吳郡張攀從龍等撰嘉定十三年上以淳熙後所得書纂續前錄草率尤甚凡一萬四千九百四十三卷

鄭氏書目七卷

陳氏曰莆田鄭寅子敬以所藏書為七錄曰經曰史曰子曰藝曰方伎曰文曰類實知樞密院僑之子博聞強記多識典故端平初召為都司執法守正出為漳州以沒

寶刻叢編二十卷

陳氏曰臨安書肆陳思者以諸家集古書錄用九域志京府州縣繫其名物而昔人辨正審定之語具著其下其不詳所在附卷末

右目錄

文獻通考卷一百一十一



臣等謹將

